

DISSERTATIO ACADEMICA
DE
THERMIS
HIRSCHBERGENSIBVS,

DIVINA FAVENTE GRATIA
SVPERIORVM PRÆSCITV ATQVE ASSENSV

IN
ATHENIS PHILYREIS
PVBLICÆ CENSVRÆ EXPOSITA

SVB PRÆSIDIO
CHRISTIANI MICHAELIS
ADOLPHI,

PHIL. ET MED. DOCT. B. M. V. COLL. COLLGT.
DOMINI FAVTORIS ET PRÆCEPTORIS
ÆTATEM COLENDI

RESPONDENTE
JOHANNE CHRISTIANO OTTONE,
MED. CAND. NITZSCHWITZ. MISN.

D. XXVIII. NOVEMBR. A. O. R.

H. L. Q. C.

EDITIO SECVNDA.

L I P S I Æ,
IMPENSIS ANDRÆ MARTINI SCHEDII.
M D C C X X V I.

ADAMANTINITY

THE

HERALD

OF THE

STATE

OF

NEW YORK

CHRISTIANITY

AND

THE

RELIGIOUS

OF

THE

OF

THE

OF

OF

OF

OF

PROOEMIUM.

Deut in omnibus suis operibus plane mirabilis est; maxime vero in hoc universo Deus T. O. M. mirandam omnipotentiam, sapientiam, providentiam, summam redricem manum atque gratiam suam, quas hominibus quos perpetuos sapientiæ divinæ spectatores esse voluit, monstravit atq; largitus est, celebrasse in aquis videtur, quæ & ex merito pensitantibus plenæ sunt mysteriorum divinorum, adeo, ut vel simplicem aquam simplicem, seu innanam æstimare simplicitas ingenii esset: Si modo adeamus Librum librorum, Scripturam puto Sacram, præcipua & miranda ibi inveniuntur hujus rei exempla, quæ non tam ad cognitionem historicam, quam ad summi atq; sapientissimi Creatoris reverentiam commemoro. Aqua ex petra producta solo baculi Moïsis contactu, ut sitienti populo subveniret Exod. XXVII, 6. Aqua amara in dulcem mutata. 2. Reg. e. II, 20. Piscinæ prope Aream templi Salomonis virtutes. Joh. c. V. Vis cœlitus concessa Jordano a lepra mundans. 2: Reg. c. V, 10. 14. Fons Siloha cœco visum restaurans. Joh. IX, 7. Divisio maris, ut transitum concederet Populo Israëlitico. Exod. XIV. Diluvium. Gen. VI. VII. Mutata aqua in nuptiis Cananæis in vinum. Joh. III. Transmutatio fluminum, lacuum in sanguinem &c. Exod. VII, 20. Uberrima hujus rei argumenta sunt & documenta Quanta quælo aquis prærogativa, quanta dignitas accessit! dum de illis legitur, quod Spiritus Dei Genes. I. in prima creatione ferebatur supra aquas, & dum aqua Sacro-Sanctum Sacram. Baptismatis fœdus hoc salutiferum nobis Christianis instituere & regenerationem ad æternam vitam largiri Deo T. O. M. placuit, declaratque: Nisi quis renatus fuerit ex aqua & Spiritu Sancto, non intrabit in regnum cœlorum. Conveniens satis S. Augustini lectio est de catacl. c. 3. talem aquæ virtutem de prædicans: Aqua Baptismi non solum corporis sordes mundat, sed animam a peccato quoque liberat: Quinimo Deus ipse in verbo suo tanquam fontem salientem se manifestabit Jerem. II, 13. Si historiam naturalem prælibare paulisper velimus, mira ubique contemplanda in aqueo regno sese offerunt, Majestatemque summam sapientissimi Creatoris exinde præclare elucescentem admirari laudareque argumenta sunt & stimuli. Si consideramus aquarum saltem originem distributionem, conjunctas & sæpius prodigiosas proprietates, effectus & usus, nihil magis necessarium nihilque magis utile ac admirandam reperimus. Aqua enim variarum in natura mutationum causa existit, omnia repurgat, magno fœnore ditat, innumeris multifariisque creaturis scatet, & sine aqua nihil crescit, aut nulla generatio, fœcundatio, nutritio vel auctio in

omnibus naturæ regnis celebrari potest; nihil sine ea vivit, nulla sine ea humorum vel sanguinis progressio in vasis animalium, vel secretio aut inutilium excretio perficitur; verbo, si pro utilitate iuste æstimetur, nulla naturæ aut artis opes valore cederet. Quis non miratur Nili excursionem statim semper tempore & ordine procedentem præclarum providentiæ divinæ signum, aridas & steriles terras irrigando & foecundando? Quis est adeo a religione, quis ab humanitate adeo alienus, qui non singulas pluviarum guttas Benignissimi Dei mirabilia dona existimet? Quis intuetur fluxum & refluxum maris, qui non statim in admirationem rapiatur? Et si omnia admiratione digna circa aquas, fontes & flumina animo volvere & literis consignare velimus, ingens sane volumen ea vix caperet, quare coactus mihi tempero, ut illa silentio jam prætermittam & nihil quam hoc addam: non indignum esse Christiano, qui reputet: Singulos fontes ostendere Dei T. O. M. magnitudinem. Scite Plinius prodigia hujusmodi propemodum humana fide superiora suspiciens inquit L. XXXI. Hist. Nat. C. 2. Si quis fide carere ex his aliqua arbitratur, discat in nulla parte majora esse miracula. Accepimus apud Ethnicos multam aquarum dignitatem fuisse, oracula & numina ibi habitare, Græcos Latinosque putasse, quare sacram illam nominabant, ut & de Ægyptiis legimus, illos aquam adorasse conspersamque in populum vitia delere credidisse. Eandem virtutem Persæ a quis Mithræ, Græci Hissi, Justinus, Virgilius, Curtius, Romani generatim aquæ Mercurii adscribebant. Divinum cultum tribuebant Cares fonti Salmacidi, Syracusani Aretusæ, Samii fonti Junonis, Græci Hippocr. Romani fonti Blandusæ & Chamænarum & sacrificia offerebant. Lacedæmonii stagnum non procul ab Altaribus Æsculapii, Phrygi Mæandrum & Marsiam fluvios, Ægyptii Nilum, Indi Gangem pro sacris habebant. Romani quoque vis anno Id. 3. Octob. ut ex Varrone accepimus, Fontanalia sua celebrabant, fontes fertis cingebant, & in aquam flores spergebant, hinc natum illud: Si aquam hauris, fontem corona. Atque adeo jurantis sponsione facta ad ejusmodi fontes perjurii ultores accedebant, ut Aristoteles de Acadino, Solinus de Sardinia, Philostratus de frigido Thyanæ fonte notant. Credebant etiam, quod Dii & sidera nutrentur vaporibus ex mari & fluminibus ascendentibus &c. Si denique ad fontes foterios & thermas accedimus, quam miram aquarum dignitatem deprehendimus in illarum natura, calore, effectibus! Quis est, qui illos non mirabiles plane dixerit? Sacras illas jam olim Aristoteles nuncupavit; alii ex priscis Ethnicis ut morbos ad iram Deorum immortalium, ita & ideo Deorum manus illas vocabant, & eas maxima reverentia velut Deorum munera adire relicto aut sacro & voto solebant. His fontibus ut morborum domitoribus Ephydriades præesse putabant, Calderianos Junoni, Grantias Apollini, Borbonicos Mammonæ, Albulas Hyegeæ, Clusias Æsculapio sacrabant. Imo inter Christianos quoque obtinet, ut a Divis nomina gerant.



Nec immerito Greg. Nazianz. L. II. Theol. hæc balnea Dei gratuita munera appellat pauperibus æque ac locupletibus communia & libera. Et profecto, ubi artis opus deficit humanæ, natura hic loco artis est, imo longe illam superat. Nam si vera fateri velimus, optimam medicinæ partem hoc aquarum genus constituit, divina plane præstat in morborum curatione, & quæ ab aliis remediis frustra expectantur, ubi omnes etiam auxiliorum apparatus vix sufficiunt, divinum Auctorem Deum T. O. M. agnoscens atque non nihil ex benignitate miraculorum divinorum participans. Hæc officiana est in quibus Natura ipsa medicinam facit, artis suæ Majestatem infinitis miraculis quot diebus declarat atque confirmat. Inter ejusmodi primas facile hodie numerantur Thermæ Hirsch. grato & dulcissimo patriæ solo memorabiles; eas idcirco dignas habui, quas curatius considerandas aggrederer. His ausibus Deus T. O. M. veritatis & bonitatis fons inexhaustus ex alto clementissime indulgeat.

CAPUT I.

Thermas Hirschbergenfes secundum situm, ortum, faciem conditionesque alias externas describit.

§. I. **S**ilesiæ felicis felicitati quoque thermæ Hirschbergenfes famulantur, quæ in Silesiæ inferioris Ducatu Jauroviensi juxta fines Bohemiæ, & montes, quos Ptolemæus, Sudetos videtur appellasse, versus meridiem spectantes, situm suum obtinent. Hirschbergenfes vulgo vocantur. quia supra Hirschbergam (haud ignobile oppidum, ædificiis sat elegantibus ornatum, civibus non infrequens, atque mercatura lintheaminibus candefactis, apud exteros quoque celebre) in pago quodam, ad quem ab ipsa campestri & amoeno unius saltem horæ itinere itur, cui a thermis nomen (Warm-Brunn) inditum est, promanant, ut solent fere hi calidarum aquarum fontes locis in quibus scaturiunt, aut nomen & celebritatem afferre, aut a vicinis assumere, neque alio modo multa in Germania, Bohemia, Hungaria, Helvetia, Anglia, Gallia, Hispania alibique clara sunt loca. In medio enim hujus pagi ipsæ thermæ spectantur ædificiis binis separatis circumstructis conspicuæ. Regio edita & tota est ferme montana, vallibus arborum virentium serie obfita sylvis in magnum spatium diffusis, & saltibus, proceris arboribus umbrosis pratis gemmantibus segetibusque ad prospectum jucundis interdistincta, plana tamen & recta regione magis, minus in latitudinem spatiosa. Qua vergit ad orientem & septentrionem ad latera utrinque montes interpositi depressi

magis Ventorum aditum concedunt, qui vario limine exsurgentes tandem paulatim cum aliis iisque altioribus coeunt concatenatis eorum tractibus planitiem claudunt. Versus meridiem præsertim in agros fertilissimos ac prata lætissima oculis ad miliaris spatium ad usque arcem elatam decurritur, ubique objecta rerum facie qua nihil cerni jucundius venustiusque potest. Exinde elati montes ab hac plaga ad occidentem maxime se extendunt, pone quos perpetua præaltaque montium sudet. jugera jacent. Cum itaque regio alta sit & montana, saluberrima illa habetur. Hinc & Plato jam memorat, se in altissimis & temperatis regionibus invenisse valde longævus. Hinc & Apennini montes Lydiæ, Athos inter Macedoniam & Thraciam mons eo nomine celebres sunt quod incolas sanos alant atque longævus. &c.

II. Solum est modice sicum & alendis frugibus sat mite, ac arboribus & fruticibus resinosis balsamicis plantis & herbis varii generis suavefragantibus, (quarum major copia, quam vel in Hæmonio saltu & Colchide) quæ aërem attenuare & salubriorem reddere possunt, & pascuis pecorum pinguibus & salubribus frequens existit, ibidemque lætis inerrant collibus densi greges. Inrerfluit pagum fluvijs ex ipsis montium jugis profluens Zaca dictus, qui cum Bobera prope Hirschbergam suas aquas miscet, nomenque suum dimittit, quibus ibi confluentibus jucundo spectaculo duos hos fluvijs colore aquarum differentes aquis quasi separatis ad tempus profluere cernimus, urque dum magis magisque inter se commisceantur & unitæ deinceps montes utroque latere prominentes, nemoribus obstitos recto alveo stringunt & inter illorum angustias ad septentrionalem regionem simul inter se uniti decurrunt. Insuper variis aliis & perennibus crystallinis aquis limpidis, glareosis, dulcibus dulcique strepiru per rivulos torrentesque decurrentibus, & vel in media æstate gelidis, gustui non ingratissimis & optimis, salubribus (nec Nili ideo aquis secundis,) abundat iisdemque rigatur. Nulli lacus nullæque paludes ibi inveniuntur, vel non tales, quæ aërem inquinare possent; Sic & perflatur aëre elastico, æquali, fereno puro salubribus ventorum flatibus agitato, ad frigiditatem tamen potius inclinante. Idcirco placida Coeli temperies verno alias tempori maxime similis, omnesque deinceps anni partes pari salubritate percurrit; nec alia regio in tota Silesia (ne majus quid dicam) salubrior habetur. Adeo benigno vultu respicit illam Coelum, quam florida Silesiæ Tempe non inconvenienter dixeris. Jactet vicina Bohemia vid. Balbin. c. 57 Misc. hist. R. B. aeris sui salubritatem, Neapolis Neapolitani. Jactent Hispani eapropter Madritum & Granadam Brasiliam alii. Jactent antiqui insulas Canarias, Fortunatas, urbem agrumque Atheniensem, nos aeris nostri salubritatem merito extollimus, quia patriam nostram commendat.

Jure ipsa illi vendicat gloriam, quam Nonius Brasil. Hispaniæ tribuit. Hinc & non faciliè morbis contagiosi, epidemii, maligni pestis &c. obveniunt, nec si aliunde forte illuc transferantur, diu durant. Incolæ ac accolæ inde quoque sani, vegeti, robusti, alacres, longævi, moribus integris & jucundis deprehenduntur. Quo speciatim memoria subit Valer. Henr. Voglerum in Dict. Comment. Cap. 26. p. 184. observasse in thermarum accolarum corporibus atque adeo eorum facie vim aeris ex igne subterraneo, quem supponimus ejusque vaporibus exeuntibus calidioris ac siccioris deprehendi. Sicque in illis reperiuntur agris, quæ delectant, quæ juvant, aere, aqua & loco in communem quasi salutem conspirantibus.

III. Quumque regio ista plurima ex parte montosa sit, multæ minerae, metalla, etiam nobiliora atque lapides &c. illam commendant, quæ condit. Quare montes illos non telluris inania tubera, sed ubera verius habeas, ut & olim maximum lucrum ex illis redundabat. Siquidem hoc nostro quoque ævo per aliquot abhinc lustra variæ metallorum nobiliorum venæ hinc inde inventæ sunt, imo hodie adhuc debito instrumento adhibito multis in locis vicinis illa patefiunt. Ne multus nimis in recensendis illis videar, de singulis remitto B. L. ad Schwenckfeldium Hennelium aliosque, saltem additurus quod magis ad præsens facit institutum, atque adortum, indolem & ingredientia thermarum demonstranda, (aquæ enim a mineris locorum suorum natalium participare solent) nimirum dari circa Hirschbergam & in montibus Riphæis (a Riphato Gomeri filio, Riphæorum Sarmaticæ gentis Principe, ut Ptolemæi lectio habet) dictis, varios fontes sulphure scatentes, dari & alios vitriolum & ferrum continentes; quin imo acidulæ binæ in ipsis montibus sudet: reperiuntur. In ipso pago juxta molendinum rivulus a pagis & montibus adjacentibus excurrit, qui secum copiosam terram luteam, particulas ferreas continentem advehit. Schmidebergæ divites ferri fodinæ dantur. In pago Schreiberbau alumen & vitriolum confectum est. Argillæ quoque varii coloris, nigræ, albæ, luteæ, rubræ circa Hirschbergam, circaque pagos thermas adjacentes se produnt.

IV. Æstimato loco, coelo & terra, quorum æstimatio in ejusmodi scrutinio utique necessaria est, atque ansam concedit ut natura & particulæ specificæ, quæ ingrediuntur felicius evolvantur simulque salubritatem quandam indicat, quoniam aquæ de illorum puritate participant, jam propius accedamus, ut fontes nostros perspiciamus. In ipso pago Warmbrun thermæ nostræ ex duobus diversis fontibus exiguo intervallo inter se distantibus scaturiunt; uterque hodie ædificiis binis separatis circumdatus est atque inclusus, intus totum thermarum ambitum tepidaria & cellæ

in usum balneantium circumveniunt. In medio illorum ædificiorum colliguntur thermarum aquæ in scrobibus effossis, quæ utraque circulo fere sexangulari lapideo inclusa est. Alter ex his fontibus ad Illustriss. Familiam Schafgotschianam & sanguine & virtute claram propaginem alter ad Abbatiam Grüssensem ejusque Præposituram ibi constitutam pertinet. Uterque æquali fere ambitu latitudine quinque circiter pedes, profunditate totidem fere cubitus complectitur, ut in singulo XX. homines simul sedere ad mentum usque aut stare possint. Uterque placide scaturit, non impetuose subilit, ut fons quidem Bohemæ Carol. Carrinensis Hispaniæ, Maritiæ, aut Phrygiæ saxa etiam projiciens. Quo longius ad inferiora versus protenditur ille qui ad Cœnobium pertinet, paulatim subjæctæ petreæ arctius coeunt, & angustius inrer se spatium aquis relinquunt. Ex his saxis partim arte, partim natura, partim vi aquæ profluentis excavatis continuo & æqualiter aqua scaturit, fundus glaream, cum lapillis ophthalmicis dictis & lutum Sulphure bitumine granis ferreis mixtum fusco ex viridi luteo coeruleoque colore variegatum tenet. In altero vero non ex saxo, sed argilla & luto molli, pingui, lento, coerulecente, copioso, arena inter mixta, diversis in locis scaturigines profiliunt, neque adeo calidæ ejus aquæ sunt: nam subtus eis alius fons frigidam advehit. Si ad summum fastigium pervenerint aquæ defluentes per canales educuntur, & deferuntur ad lavacrum pauperum dictum, pauperi plebeculæ liberum relictum & ex hoc tandem iterum in alia scrobe colliguntur, quæ deinceps balneum equorum dicitur, in quod nempe equos paralyticos defatigatos, debilitatos variisque morbis corruptos, equisones ducunt, ex quo in præterfluentem fluvium Zakam defluunt. Si ex hauriuntur fontes ad summum repleti ille quem Dn. Præpositus Cœnobii possidet intra III. cum dimidia horas circiter tardius vero ad dimidiam ferme horam Illustrissimi Domini Comitissæ fons aquis iterum adimplentur, & ad fundum usque descensos aquæ sensim scaturientes in altum simul evehunt atque protrudunt.

V. Thermas intrantes in limine statim odorem lixiviosum, sulphureum fumum ac tenebrosum offendunt; plus autem odoris sulphurei & lixiviosi in thermis Schafgotschianis deprehendes. Aqua in utroque fonte limpida, clara, pellucida, ex albo coerulea est; Schafgotschianarum tamen Thermarum color ordinario magis turbide albicat cum multis exorientibus, & candentibus bullulis conspicitur, & ad cujusvis tolerantiam calida utraque aqua deprehenditur. In superficie tenuis quasi cremor rarus, pinguiusculus, interdum integræ bituminis, maxime in thermis ad Abbatiam pertinentibus, particulæ, plumarum instar flocculorumque interdum & cinerei pulvisculi quasi internatant. Ubi iterum defluxit aqua & per aliquod temporis intervallum subsistit, cuticula crassior & ex coeruleo obscura flavis ac

splendentibus punctis & maculis distincta, odoremque sulphureum ex parte redolens cernitur. Subjectæ petræ tabulæ ligneæ mucus viscidus, imo interdum materia sulphurea florum ad instar sulphuris asseribus succinctis adhæret. Sic & in saxis, super quæ defluunt aquæ relinquunt tenue & viscosum, ex atro cœruleum lutum & spumam, in transitu tandem ochram albam, gypseam, friabilem & in fistulas quasi (quod singulare) digiti & manus longitudinem æquantes cuspidatas formatam ad canalium latera deponunt quæ ex mole cularum separatione præcipitatione, exsiccatione & coagmentatione per defluxum aquarum thermalium subnascuntur simili propemodum modo ac videmus naturam in coralliorum generatione procedere, de qua videndus Baccone observ. III. p. 53. & 57. Atque suspensor fundamentum illarum (fistularum) fibras esse ex canalibus ligneis avulsis, ad quas ejusmodi materia tartarea præcipitata apponitur, ac sic fundamento quasi posito & apice deorsum a qua stillante fistulas has quoque formari.

VI. Duos hos fontes circumveniunt domus, ad usum quidem potius quam cultum extructæ, in quibus advenæ commoda domicilia inveniunt. Cæterum omnia ad victum, necessitatem ac commoditatem vitæ pertinentia, mediocri pretio venalia prostant, nihilque deest, quod ad suavem sustentationem requiri possit, & quod forte pagus negat, Hirschberga facile dabit. Multa enim quæ in deliciis alias haberi solent, indulgentia almæ Naturæ huic nostræ Regioni indulsit, & quæ non sunt hujus regionis, hæc importantur a finitimis Bohemis, Hungaris, atque Polonis. Ad ambulationes instituendas, motioneque corpus exercendum simulque per eam animum recreandum & oblectandum non tantum ab Illustr. & Excellentiss. D. Comite in hortum prope arcem conspicuum exspatiandi libertas conceditur; sed & invitant circumjecti patentes virentesque campi amoenissimi & nemora, quæ oculos animosque, jucundissima varietate oblectant: Namque invenies, ut dictum, hinc inde jucundissima ambulacra mirifice hominum animos recreantia. Si planitierum æquabilitatem camporum ac pretorum viridaria amas, virentia ubique germinantis & fluctuantis segetis arva videbis. Si colles mavis, non procul diversos eosque amabilissimos arborum frondentium multiplici umbrifera serie delectantes, florum fragrantium suavissimos odores spirantes offendes. Si vallium delicias perlustrare velis, si vertices montium editiores quæris, in quibus circumjacentium regionum ac amoenæ varietatis naturæque parturientis variegatæ voluptatis in longum latumque intuitus est amoenissimus, undique præsto sunt hæc omnia. Si petrarum declivitati adhærere aut si antrorum latibula perreptare tibi volupe sit, si nemora & sylvas umbriferas & græto diversarum avium cantu resonantes, si flumen, rivulos,

torrentesque svavi cum strepitu excurrentes præferas, in vicinia spectabis. Visuntur undique egregio spectaculo cominus eminusque pagi, visuntur arces, hic vetustate, illic novitate se ostentantes. Uttaceam jam de multis ingenua libertate & festivitate conjuncta, mutuis urbanitatis officiis honestis hilaribus amicisque colloquiis & conversationibus, quibus in ipsis balneis, omnique tempore opportune convenientium conciliantur animi. Dignantur hic singuli eos amicitia qui accessum & notitiam quærunt & pro sua sorte unusquisque ad consortium comitate admittitur, inferiores gratiam ineunt superiorum, hi largiuntur eam illis, amica & hilaris familiaritas inter æquales stabilitur. Nec non obvenit varia alia non raro animum iaxandi occasio. Quæ cum ita sint, non mirum esse debet, si peregrini his commoditatibus allekti quotannis ex distitis etiam locis non solum incolumitatis recuperandæ, aut saltem stabilendæ & in plurimos dein annos conservandæ sed & integra etiam alias valentes auræ vitalis ac salubrioris hauriendæ atque svaviter vivendi animumque recreandi oblectandique gratia primæ quoque dignitatis personæ atque ejusmodi quibus in deliciis vita est posita, numero se accedant ac aliquandiu ibi commorentur.

CAP. II.

Originem & causas thermarum generatim & speciatim Hirschbergensium exponit.

THERMÆ eandem dubio sine originem, ac alii fontes simplices agnoscunt; unde autem fontium origo sit deducenda, autores variant sententiis. Existimant multi, aërem condensatum esse fontium causam, esse vapores aqueos a calore ignium subterraneorum resolutos & per poros terræ elevatos, atq; demum frigore torpescemes, sicque in aquam iterum conversos &c. Et dum ex mari per anfractus terræ aquam deductam & collectam præsupponunt, usq; dum a calore in vapores resolvatur, dulcedinem huic destillationi quasi adscribunt, mediante qua partes salinæ in poris terræ deponerentur, atque remanerent, ex quarum collectione & concretionem sal fossile, salinas &c. deducunt. Quæ a R. des Cartes P. P. IV. p. 122. egregie ficta atque picta apparent.

II. Verum judicet, qui volet, statuatur, qui potest. Cur ego ab illis dissentiam, causæ mihi bene multæ suppetunt, quæ me hortantur ac movent, ut illa in aquam, quod ajunt, mittam, & Bartholini vestigia premam, qui faciliorem & commodiorem viam demonstravit, & ratione & sensibus magis consentaneam experimentisque firmatam, ut non necesse habeamus circui-
tione



tione hac uti & longius petere argumentum. Explicaboque illud, ne ratio desit assero, nec vires rationi: Sc. non negandum est, quod lateant latices hinc inde & hydrophylacia in terræ vilceribus etiam in altissimis sæpe montibus ut habentur in ipsis vicinis montibus riphæis binæ istæ piscinæ vel potius lacus, quæ aquæ subterraneæ & per canales suos fluunt, refluantque; Constat hoc ex multis Authorum observationibus, sciunt & hoc metallifossore & fossore alii, qui fodiendo fere ubique terrarum vel spatio saltem sex ulnarum perfosso, aquas ad minimum terram humidam offendunt. Largiamur Aristoteli, aliquam ex vaporibus subterraneis aquam generari posse fluuntque & fluant multi fontes & flumina ex Oceano & mari per pressionem, per gravitatem, perque fluxum refluxumque ejus non tantum vicinis ei in locis, sed & interdum satis remotis; quamvis compertum sit loca mari proxima fontibus fere destitui. Quis tamen temere credat, fontem thermarum nostrarum & vicinorum fluviorum Boberæ atque Zakæ in Silesia emari excurrere? Minime igitur existimandum est hanc vel illam causam solam sufficere ad constituendos tantorum & omnium & semper & ubique fluminum perennes fontes atque illorum originem. Taceam, a Staticæ & Naturæ legibus valde alienum esse, aquas ex mari tam longe lateque penetrare & subterranei ignis ope per compactam terræ compagem destillari, aqua; enim vix ac ne vix quidem in tantam altitudinem potest ascendere, nam montes ad adeo altum fastigium supra superficiem maris cujus computum Clariss. Scheuchzerus iniit, ascendunt. Quod dentur hujus rei plures causæ, exponit multus in hoc argumento, nec indiligens censor J. Vossius de Nili & aliorum flum. orig. c. 5.

III. Perinde pro vero accipio, quod maximum non modo incrementum augmentumque sine dubio a pluvialibus aquis nive liquecente, grandine, pruina, rore vaporibusque quotidie ingenti copia ex mari aliisque stagnis & fluminibus eveclis maxime hæ aquæ subterraneæ suscipiant, quæ per porosam, arenosam telluris substantiam per lacunas, hiatus, rupium rimas commissurasque penetrant, usque dum loca argillosa, saxea &c. quorum ingentia strata sub terra dantur, de quibus Kircherus in mundo subterraneo testatur, offendunt, quæ ita sunt comparata ut tabularum ad instar super tabulas posita sunt, eum propemodum in modum, quo flumina inundantia diversis temporibus loca demissa variis materiis replent, quæ quoad figuram, magnitudinem, extensionem, ductus varia sunt, quibus in stratis fundamentum generationis fontium consistit, ubi in pelvi velut colliguntur aquæ, & cum sæpius hoc fiat, alveos sibi formant & postea subinde aliarum affluxu auctæ & plenis receptaculis suis qua data porta, per certos canales ex terræ gremio effluunt. Nec absolum hoc consideranti videtur: fontes reperiri maxime in locis humilioribus, vallibus, montium radicibus & omnia

fere grandiora flumina ex perennibus montium altissimorum & vastorum jugeribus provenire, & quo longior, quo magis continuus montium tractus quo montes altiores, eo copiosiores, diuturniores & in altum magis prosilientes limpidiores quoque puriores & salubriores (quoniam altius feruntur, ubi impuritates separantur) dari fontes; In campis vero patentibus flumina omnino pauca ac fontes fluere. Conveniens, nec in elegans Regis Prophetæ Davidis lectio est. Ps. CIV, 10. Tu scaturire facis fontes in convallibus, ut inter montes fluant &c. Ob quam solam causam ad fontes nempe constituendos juxta bene multos alios usus montes perquam necessarios pariter ac utiles esse censeo, ac ideo etiam Dei Omnipotentis & Sapientissimi rerum Conditoris opera ejusque providentiam admiror ac veneror. Neque impossibile æstumanti apparet, tam vastum jugerum montium spatium & tantam copiam aquarum pluvialium capere & in sinu colligere posse, ac guttas pluviales vel in exiguo temporis v. gr. unius saltem horæ spatio magnam aquarum copiam conferre, cujus rei calculum congestum legere potes in Happelii Mundo Mirabili P. I. Lib. II. Cap. V. Si & ulterius perpendamus res evadet certior, in illis nempe montium cacuminibus, ubi aer semper frigidior existit, nubes & vapores, concentrans, condensansque per continua & integra illorum dorso frequentes dari vapores, unde quotidie fere observantur nebulae & spissae nubes pluviam continuo stillantes, licet, in vallibus serena tempestas existat, vel in convallibus quoque illorum, qui nubes excedunt, quod de Olympo, Acho, Tenariffa, Pericaça (monte Peruviano) monte Veneris in agro Patavino, Apennino &c. dicitur, quorum ad cacumina, neque ventus, neque pluviae unquam pertingunt, quoniam atmosphaeræ humidiores exhalationes adscendere usque ad horum apicem vix possunt. Imo quandoque serena satis tempestate imbres ingentes inibi cadunt; quod in vicinis nostris montibus Riphæis ordinario fere experiuntur, & spectri illius noti, vel ficti verius ludibrio, vulgo Rupicinæ (Riebenzahl) adscribunt creduli.

IV. Dictis facit fidem Halley, qui in montibus S. Helenæ Insulae tantam condensationem vaporum etiam serena tempestate expertus est, ut intra 15. minuta vitra guttis ita madefierent, ut essent abstergenenda, & charta tam brevi tempore ita madefieret rore, ut atramentum humore dilueret. Quantum decrementum per dies singulos fluvii experiantur aëre sicciore existente, quantumque e contrario crescant pluvia per paucos saltem dies durante, vel nive liquecente, nemo non novit. Hinc in desertis Arabiæ, aliisve locis calidioribus, ubi raro pluit, rarissimi quoque sunt fontes, & perpauci amnes, vel plerumque mox deficiunt & qui fluunt, ex longe distantibus locis deferuntur. Quinimo observamus, quod ista flumina, quorum præcipua primordia ex altissimis & vastissimis montium jugeribus defluunt,



non adeo facile exsiccentur. Sic Nilus Ægyptum, Niger Nigritiam inundat existente maximo solis calore, quia nimirum in Abyssina, unde flunnt, ex montibus forte Lunæ & Thala tunc temporis imbres cadunt copiosissimi per longum temporis intervallum, & nives liquefcunt, V. P. du Voll. Geogr. G. P. I. p. 189. Pariter Menam fluvius regnum Siam rigat, quod accidit vernali tempore, quando per tres integras menses pluit vid. Mandelsloh. Itinerar. P. III p. 184. Jenifcea & Diuina Molcovix fluvii Martio & Aprili ex liquefacta nive & pluviis adeo augentur ut ille regionem 70. milliar. quam ad latitudinem excutrit, riget. Vid. Talanders historifche Reyfen B. II. p. 7. Hinc modo laudatus Halley fluvii alicujus magnitudinem aquarumque quas exonerat quantitatem proportionem respondere longitudini atque altitudini jugerum, unde ejus fcaturigines exfurgunt, metitur. Qui fit, quod thermæ piperinæ in Rhætia magno strepitu aquarum erumpant quotannis circa initium Maji & definant fluere circa medium Septembris? Non est, cur dubitemus caufam hujus fluxus effe nives tunc temporis in altiffimis montibus, liquefcences. Similiter fons Tophanus, dictus Ananiæ, in Campania hyeme ficcatur, inennte Vere vero & per totam æftatem aquis abundat. In Vallefia reperiuntur fontes quoque tales & in Hispania & Scotia. Rhodanus fluvius & lacus Lemanus æftate femper majores funt, quam hyeme. Et fi (quod curfim faltem addo) in regionibus calidioribus rariores funt pluvia, copiofiores tamen accidunt rores, quare a Plinio H. N. l. 2. c. 62. rofcidæ æftate noctes Africæ memotantur. Addendum & hoc est quod fluminum fontes parvis & diverfis rivulis ex diverfis & diffitis sæpe locis ex orientibus primum erumpant, usque dum in itinere plures rivi illis accedant & molem aquarum magisque augeant, & omnes in progressu augeantur. Nec est, cur S. Scripturæ locus Ec. c. 1. v. 7. ubi dicitur quod omnia flumina ex mari fluant & iterum refluant in illud ab hac fententia nos deducat, cum facile conciliari poffit statimque comparet indicium, quod vapores ex mari & deinceps fluminibus adfcendentes per ventos forte in longinquum propulsi fluminum futurorum incrementa fint & rudimenta, quæ omnia iterum tandem fe in mare exonerant. Ut quis æftimare poffit, quanta vis vaporum exinde toto die adfcendat demonftratum reperies in D. Clerici Phys. T. III. L. II. c. 8. p. 189. Nam præter mare & fluvios vapores quoque ex terra humida aliisque corporibus elevantur, quod obfervare licet die calidiori & aëre quieto existente ex terra humida tantam vaporum copiam adfcendere, ut crassæ exinde nafcantur nebulæ. Ut exacte huc quadrat illud Hermetis: Quod est fuperius, fimile est ei, quod est inferius. Quæ res adeo manifefta est, ut exiftimem, non ulterioris egere probationis: Hinc statim a principio mundi vapores e terra adfcendisse, & ejusdem totam superficiem irrigasse in Genesi legimus & Nubem de mari adfcendisse & largiffimos fudisse imbres. Flumina

mina cæterum lacus deinceps alios fontes & rivos, dum intus ab iis emanant, concedunt & hi rivuli collecti aliud iterum flumen &c. hinc videre est circa grandiora flumina copiosiores fontes, rivulos, thermas, acidulas scaturire. Quamobrem reperies fontes, qui pro illorum incremento aut decremento decrescunt aut augentur. Rursum multi dantur lacus & flumina, quæ per cryptas subterraneas se abscondunt, & longe diffito demum terrarum spatio iterum proveniunt, interdum longe minora, indicio in itinere sub terra rivos aliorum mittere. Hoc quoque nomine noti sunt fluvii, Rhenus, Albis, Tigris, Alpheus in Achaja, Anas in Hispania, (hodie Guadiana.) Lycius in Asia, Ti mavus in Istria quidam in Carniola rivi & lacus vid. Valvassor. *Chre des Herkogthums Crayns* T.I. p. 161. sq. & p. 541. Exinde si revocare animum ad præcedentium memoriam libet, ratio causaque repeti potest, cur fluvii interdum si aquis præter modum abundant, annonæ caritatem præfagiant, deficiente nimirum deinceps humiditate in poris terræ, quod in primis notatur de Lucalibus aquis in agro Senensi, Sancti Reguli fonte ad Pientiam, lacu Valdimonis in Italia. De alio fonte Candia idem accepimus. Adeo hæc vera sunt, ut jam existimem fontes nostros ortum suum trahere non ex Oceano, (quoniam hæc petitio nimis esset diffita) sed ex vicino fluvio Zaka, vel ex montibus vicinis.

V. Quando igitur hæ aquæ subterraneæ per mineras, vel juxta illas decurrunt, & variæ partes illarum solutæ illis vel solidæ vel fluidæ vel sub vaporis specie pro varia partium minerarum indole atque conditione, copia, mixtura variè componuntur, miscentur, varias constituunt aquas minerales medicatas, fontes loterios acidulas, & thetmas, quoque citius extramixtæ & calefactæ &c. effluant; eo calidiores, eoque vegetæ magis deprehenduntur. Memorandum inter exempla hujus rei de Hymera Siciliae fluvio, qui postquam egressus aquarum facit divortium, ea pars quæ vergit ad Ætnam ob purum solum, gratam dulcedinem, altera vero, quæ falsas præterfluit fodinas, ingraram salsedinem refert. Pariter Hyparis fluvius in Ponto per multa milliaria a fonte suo dulcissimus est; in transitu vero fontem recipit, ex quo per multa iterum milliaria amarulentus fluit.

VI. Rursus ipsæ hæ aquæ de mineris; aliis iliarumque exhalationibus minus laudabilibus participantes varia nocumenta morbos; afferunt; ut annotatum est: aquas, quæ per plumbeos canales excurrunt, dysenteriam, tremores artuum & pallidum corporis habitum efficere; Multæ ejusmodi in Æthiopia inveniuntur aquæ, in Alpibus, & quibusdam Italiae locis circa Ligerium, Duriam & Padum fluvios, in Insula Chio, Susis Persar. Insulis fortunatis. Alias recensent Vitruvius, Seneca, Plinius &c. In

Troecenis Vitruvio teste potæ pedibus vitium contrahunt. Plura collegit Agricola. L. II. p. 544. In vicinia circa Schmidebergam & pago Hermans Seiffenplurimi scaturiunt fontes, quorum aquæ potæ strumas procreant; Fontes hi limpidi conspiciuntur saporis & odotis expertes, aquæ decoctæ, vel evaporatæ limum flavescentem relinquunt in fundo cum residuo pingui subnigricante distincto acrem referente saporem.

VII. Dari vero ex halationes minerales aereas metallarii sciunt, quæ non raro adeo sunt fortes, ut arbores, herbas &c. afficiant, comburant eapropter & vulgus loca, in quibus frutices arbores & gramina non crescunt, vel arida & exusta & marcida quasi conspiciuntur, metalla intus continere nec sine, ratione affirmat. Quin etiam referente Bechero in Phys. subterr. p. 71. ejusmodi exhalationes ad aliquot milliaria nares hominum petunt. Porro in ipso mari observamus ejusmodi exhalationes oleosas pingues & sulphureas, cum variæ coagulationes ibi reperiuntur, quales sunt: succinum, ambra. Quoiomo multi reperiuntur, qui virtutes lignorum, florum, herbarum, fruticum exhalationibus mineralium adscribunt.

VIII. Ab aqua ad ignem, ne aquam (ut ajunt) perdamus. A calore thermæ dicuntur. ac nil nisi calidum solvent, spirantque. Unde vero calor illarum veniat, hoc opus, hic labor est, qui Eruditörum omni tempore torfit, torquetque adhuc ingenia. Et sane calor iste perennis isque in quibusdam thermis maximus omnibus illum intuentibus potest esse mirabilis. Fateor equidem, maxime Ciceronis æfati memor: Multa esse, quæ nos fallunt, probabilitate magna, quanto subterrancorum, utpote abditorum fiendi modus abstrusus & obscurus tanto difficilem aditum in naturæ laboratorium, tantoque difficiliorem ejusdem censuram esse. Et quis est adeo oculatissimus Argos, qui in hanc officinam perspiciat? Quis quæso lapidum, quis metallorum &c. genesis vel ad oculum vidit, vel evidenter exposuit? Attamen si experientia & prinpia mechanico physica & chymica in auxilium vocentur, non dubito, quin afferri possit vel adeo probabilis conjecturæ argumentum, quod quemvis facile consentientem promittat. Mitto itaq; baratrum Platonicum, ex quo, tanquam ex centro terræ inibi perpetuo hospitantessignes per meatus terræ apertos continuo spargi & aquas has calefieri quidam somniant: Nondum enim nobis satis illud probatum stabilitum atq; explicatum, cur tam pauci tantum fontes calidi profluant, &c. dederunt. Mitto Aristotelis sententiam lavacra calida a sulphure admixto calefieri, cum multæ thermæ omni sulphure destituantur. Mitto flatus, spiritus calorigicos, vapores, unde calorem terræ proprium cum Mileo & de Dontis Jul. Alexandr. Leon. de Capua & Horstio derivant aliqui, & aquam calefieri exinde volunt. Mitto ventos, quos per terræ mea-

tus patulos intus penetrantes, ibidemque vapores calidos in centrum quasi ad instar vaporum in nubibus colligentes & tandem fulgura & tonitrua producentes aquas fervidas efficientes sibi alii fingunt. Sed unde illi vapores jamdum calidi, vel ista calorifica virtus in terris? Annon calor illorum aliam adhuc causam præexistentem requirat? Unde dein calor ventis absentibus & finitis? & quis sibi facile concipiat, quomodo calentes ex profundissimis terræ abyssis vapores divagantes iterum in uno quasi puncto coire possent? Possibile an sit vapores per frigidas terras vagantes calorem tantum diuque retinere? Mitto & aquarum velocem cursum, & illarum ex alto descensum, quem aliqui allegant motu suo aquas calefacientem, sicuti aliæ res motu solo calefieri assolent. Sciant motu quidem illa calefieri, quæ sulphur secum vehunt; illud vero in aqua non dari constat: Neque argumentum ab incalescentia maris ventis biduo vel triduo agitati omni exceptione majus est, alias & flumina, quæ vel ociori præsertim feruntur cursu, uti Tigris, vel ubi magno aquarum strepitu cadunt, vel illiduntur & aquæ in machinis hydraulicis varie exagitata commotæ & ex alto descendentes incalescerent. A vero quoque aberrare videntur illi, qui calorem ab antiperistasi quodam a frigore facta deducunt; hoc enim si esset, (cum illa ubique existere deberet) ubique etiam terrarum ferventes ex parte terræ corticali scaturire deberent aquæ. Multo minus illorum argumenta philosophica sunt, qui radiis solaribus per terrarum poros penetratis, ac in profundo roboratis, fortiusque calefactis fervorem thermarum adscribunt: Quomodo hi in tam remota & dura sæpe ac saxosa loca atque profunda aquæ penetralia penetrare possent, cum constet ad duos saltem passus Solem pertingere? Quomodo æqualem & constantem hyeme & æstate nocte dieque semper calorem efficeret? & cur non etiam calor Solis ubique interdum præsens alios & omnes fontes atque rivos calefaceret? Idem judicium esto de illa opinione ac si fulmen calefaceret aquas. Philosophos Stoicos, Zenonem, Cleantem, Chrysippum &c. insitum aquarum calorem volentes secutus forte est Paracelsus opinatus, & aquas calidas a Deo in creatione mundi statim & frigidas conditas segregatasque denuo esse, fabula statim se prodit hoc indicio, quod iterum refrigescant, quod vero minus fieret, si calor iis concreatus esset, sed & indefesso Heinrichi Rochæ Autoris Galli labore refellitur, qui deprehendit, aquam frigidam demum calefieri vid. *Scrut. therm.*

IX. Majorem paulo speciem præ se fert ex Chymicorum Schola desumpta sententia, qua calorem ex effervescentia acidi & alcali calcis vivæ, vel similis materiæ & aquæ invicem coeuntis esse asseritur, hinc præsupponunt in terra latentem calcem, quam aqua frigida accedens accendit &c. Verum enimvero minime respondet opinioni calculus; quare hæc ex Oraculo

Apollinis Pythii tibi edita haud puta. Unde tanta spirituum copia & unde æqualis semper & immediatus illorum concursus ad excitandum uniformem caloris gradum & per tot annorum secula durabilem? Cur non etiam sal tertium semper superest? Et licet existant montes, quibus copiosi lapides calcarei insunt, ignem tamen præexistentem & extinctum, sibi fingere necesse est. Accedit & hoc, quod si aquæ hæ ex lapidibus calcareis ultis calorem acquirerent, isti quoque disrumperentur magno impetu, ut calx viva affolet; atque ita necessario integri montes & spatia terrarum brevi corruerent, semelque facta exustione nullum plane amplius ignem conciperent, quod vero cum diuturnitate thermarum pugnat.

X. Ecquis non videt, omnes hos atque alios de calida hac materia frigide nimis sensisse atque scripsisse? Si itaque negotium hoc, sicut par est momentis ponderamus, res ita confici potest, ut statuamus: Calorem (qui ignis diffusus est) thermarum ab ipso calore & igne subterraneo esse, (quæ quidem hypothesis antiquissima est, verum multi minus recte eam intelligunt, minus recte explicant atque applicant) non equidem semper igne luculento pabulo indigente, cum licet in fodinis venæ metallicæ calidæ inveniantur, nullus tamen ejusmodi ignis videatur, sed qualis ille sit, ex sequentibus patebit, quare ad rem: Scilicet præsuppono iterum iterumque ignem subterraneum. Quod vero calor & ignis in terræ visceribus evenire possit, docent montes ignivomi, campi flagrantes, motus immanes, tonitrua subterranea, horrenda flammarum fulgura, coruscationes igneæ, incendia &c. Ejusmodi loca, ubi ignes subterranei exarserunt, aut ardent, non solummodo adusta videntur, sed & testaceæ terræ exustæ & calcinatæ effodiuntur. Terræ quoq; ejusmodi locis & circumjectis calidæ observantur, nam v.g. constat, quod Carlsbadii in Bohemia, ubi nimirum thermæ calidissimæ facile omnium reperiuntur propier calorem subterraneum non possint fodi cellæ, & quod nix tempore hyemali mox diffluat, vel saltem non diu persistat. Præterea & calorem subterraneum in variis fodinis & locis subterraneis experimur. Non procul ab oppido Schwarzenberga, aliisque in locis in Misnia nostra, in Bohemia circa pagum Altsattel; in Hungaria quæ pene tota præsertim inferior ardet subterraneo igne, nam si prope Danubium & Dravum scrobes effodiuntur, balnea & sudatoria ex tempore quasi possunt parari. Confer. Conringius in Theatr. rer. publ. ex Beguino, Edm. Broun, J. B. Morino, in aliis passim regionibus ex Galeno, Agricola, Botugno, Solenandro, Lohneisio &c. scimus. Imprimis hoc nomine memorabiles sunt cellæ, sudatoriæ dictæ D. Germani prope Anianum lacum.

XI. Physica docet: Varia esse ignis genera, aliumque esse lucidum, & non calidum, v.g. qui in vermiculis S. Joh. guttulis aquæ marinæ collisis, ligno putrido &c. conspicitur alium calidum & non lucidum e, g. in foeno

madido, fimo, fermentationibus quibusdam &c. alium calidum & lucidum simul. Docet eadem, (1) ignem nihil aliud esse, quam motum tertii elementi ætherei particularum in corporibus solum mixtis sulphureis, salinis, resinosis & celerrimum quidem a centro accensorum ad peripheriam adeoque aërem cum Rege Alphonso in Clave Sapientiae ignem crassum dicere convenire. Ubicunque enim flamma vel calefactio solum est; ibi semper motus videtur & tactu sentitur; quo motu omnia corpora penetrat; impedito vero statim ignis exstinguitur. Unde flammam tantum concipiunt & conservant sulphurea, i. e. quibus sulphur minus dispersum & occultatum est, resinae, bitumen, olea, pinguedines & similia. Adhæc omnia, quaecunque motum ejusmodi ætheris in corporibus sulphureis excitare & continuare sufficiunt, causam ignis constituunt: Quoque liberior & citatior aeris motus est; eoque commodior ad ignem accendendum & propagandum. (2) Corporibus pinguibus sal associatum pabulum ignis efficacius & durabilius constituere; oleum enim, cui sal inspersum, duplo diutius flammam alit. (3) Non qualibet corpora, sed duriora vehementer attrita & collisa scintillas effundere. Horum enim stamina propter duri-
 tiem & rigiditatem attritioni non facile cedunt, sed potius resistunt, resistendo vero eo magis contremiscunt, quo ipso simul æther inclusus fortiter colliditur, & in motum ejusmodi perniciosissimum redigitur. Neque omnis motus localis calorem atque ignem excitat, sed vehementissimus tantum atque varius, neque scintillulae collisione e corporibus exilientes ab illo motu producuntur, sed latentes saltem educuntur atque eliciuntur: (4) Ipsum deinceps ignem semel in corporibus salinis & sulphureis excitatum, in angustiis inclusum, agitatam, collisum novum ignem in corporibus ejusmodi aliis circumstantibus proximis suscitare, a sola tritura, frictione e. g. ligna duriora & metalla incallescere, vel plane accendi. (5) Ferrum imprimis esse metallum valde sulphureum, adeoque præ omnibus aliis ad ignem concipiendum aptum; quare & in fusione continuo scintillulae profiliunt. Idem fit, si limat. martis subtilissime pulverisata flammæ candelæ inspergitur. Inde evenit, ut circuli ferrei igniti angustiores fiant & baculi ferrei crassiores, quam antea erant, cum impetuosus ille ætheris motus in igne stamina illa licet durissima extendat. (6) Motu isto diutius continuato & aucto flammam tandem erumpere, ex quo haud obscure colligitur, quod calor & flamma gradu tantum a se differant, ita quidem ut calor sine flamma, flamma autem sine calore non esse queat. (7) Aquam igni affusam, nisi sit major illius copia, non posse illam restringere, sed proportionata in quantitate potius vehementiam ignis augere & impedire, ne citius ignis pereat; quod videmus, quando fabri ferrarii prunas candentes aqua inspergunt, imprimis si copiosiores adfuerint partes sulphureæ, oleosæ, simili modo na-

phthæ camphoræ, bitumini &c. aquæ exigua quantitate affusa videtur ardor augeri. In pyrotechnia parant artifices massam, quam materiam aliam vocant, ex nitro antimonio sulphure pauxillo & carbonibus &c. quæ accensa difficulter aqua exstingui potest, potius illa affusa magis incendium augetur, diutiusque durat. Quin etiam legimus, regnante Constant. Imp. R. Callinicum Matheim. ignem invenisse, ne quidem aqua nisi solo aceto extingubilem.

XII. Quid obstat, exinde inferre; Calorem & ignem quoque subterraneum ex mineris sulphureis & martialibus esse? Scilicet mineras, marcasitas ejusmodi sulphur solo odore saltem perceptibile & ferrum (contritæ enim & ustæ ejus particulæ magnetem accedunt) continentes, calidas, ferventes atque fumantes reperiri in illis locis, qui calent, vel ignem condunt, non modo Scriptores testantur; sed & quivis conspiciat, licet. Rem sequens probat experimentum: Si sumitur sulphuris vivi pulverisati, limat. mart. anat. portio, & hæc invicem bene miscentur & affunditur aqua, ut consistentiam pultis adipiscatur, massa, paucis elapsis horis in spumam attollitur, ebullit, incalescit, imprimis aëri libero exposita, atque demum manifestam flammam cum fumo sulphureo emittit. Ad hoc videmus, marcasitas & glebas sulphureas, ex quibus vitriolum conficitur, aëri humido pluviolo expositas brevi tempore æstum intensum concipere. Idem fit, quando ex marcasitis sulphureis sulphur fuerit sublimatum, caput mortuum pluviolo aëri expositum. Ad hoc observamus in illis locis, ubi alumen præparatur, ubi mineræ illæ effossæ in acervos congestæ pluviis humefactæ vehementer incalescunt, fumum & non raro luculentam flammam emittunt.

XIII. Ex his itaque fontibus rivum quoque nostrum ducere licet. Non equidem satis cavet veritati Le Mery, qui casu primum hoc experimentum invenit dum acido sulphuris aquis soluto terras pererrante & obvias mineras sulphureas, bituminosas, ferreas aggredienti ignem & calorem subterraneum adscribit, quia discrimen intercedit inter sulphur accensum & integrum, interque ferrum ipsum confectum & ferrum in vena sua adhuc contentum. Nam notum est, sulphur acidum nonnisi igne accensum largiri, & ferrum quidem jam confectum spiritibus acidis quidem incalescere, nequaquam vero illud in venis suis adhuc latens. Quamobrem in hac sententia, præeunte Excellentissimo D. D. Bergero in Tract. de Therm. Caroll. mihi etiam omne stat consilium: quod, quando in terræ visceribus aqua imprimis salina spiritu subterraneo acidulo turgida, sicque principio activo armata scaturiens ad mineras, marcasitas quæ omnes & sulphur & partes metallicas sive ferreas, sive cupreas, argenteas, aureas secum habent conjunctas, sulphur & ferrum continentes & ipsa natura sua vaporosas de-

feratur, harum poros ingressa, laxet nexum & compagem sulphuris & martis, atque inter se concitet atque impellat, qua soluta & libera deinceps actione & reactione sulphuris in ferrum & motu intestino magis magisque colliduntur, rarefiant, ferveant, vapores sulphureos, calidos, copiosos emittant. Quibus subinde auctis in spatio minus libero coercitis & inter se mutuo iterum allisis, attritis, magis adhuc hæ exhalationes exardescunt, magisque reliquas partes imprimis quæ supra incumbunt minerarum incitant, compellunt, concutiunt atque motus hi augentur, (ut fossiores metallarii testantur, quod vapores, qui sine dubio ex marcasitis egrediuntur, multoties sponte inflammentur) compages illarum solvitur ac destruitur, salinæque spirituosæ eliciuntur usque tandem totæ in aquis diffuant, quo denique tantus calor, imo sæpe flamma exoritur, si justum spatium, justoque fortior aeris motus conceditur, ut experimur foenum quoque madidum repositum plane in flammam abire. Etenim ignis semper definit in verticem mucronatum sicque superna petens rarefacit; terminatur tamen vis ignis paulo infra summitatem, alias emergeret, ut in ardentibus montibus, habetque terram & saxa non raro densissima velut operculum quod non penetrat conus ignis, jam velut in summo attenuatus nimium ac imbecillius terra graviori & solidiori opprimente; ubi autem ac si quantum sit quoddam spiraculum nascitur sublime, rapit secum multum teneræ substantiæ, quod in Ætna aliisque ignivomis montibus apparet. Ex his porro infero quod his effluviis ex mineris exhalantibus aqua reliqua præterfluens denuo imprægnetur atque calefiat & ignis deinceps semel genitus cum velocissime moveatur, (hinc in conflagratione sensibiles gyri se mutuo turbantes & interferentes conspiciuntur,) pluraque corpora vicina salino-sulphurea secum rapiat & accendat: Ut eo magis hæc credam, me moveat, præter adducta, observatio Hauptmanni in descript. Therin. Wolkenstein. p. 220. qua memorat, quod illæ thermæ, quæ non adeo ex profundo scaturiunt, tempestate pluviosa existente magis caleant, & quod circumjecta terra & colles & montes fument, (quod & alias aliis quoque in locis experimur) & calefiant.

XIV. Idcirco in plurimis thermis sulphur juxta vitriolum & martem manifeste reperitur; Campi Vulcani dicti in Italia Puteolos inter & Neapolim, intus & extra assiduo fervore crepitant & vivo sulphure fumant, intercoruscant aquæ salientes & fervidæ, additque Solenander, de Cal. font. med. caus. c. 9. quod quidquid in foro Vulcani in crateribus adhæret, si multa illud solvatur aqua, eandem sulphure, vitriolo & alumine imbuat. Simile videtur, in Volaterrano ad montem Cerberum, in cujus balneis sulphur ebullit, & in marginibus lacunæ passim reperitur. De multis aliis, quas imprægnat sulphur, vel volatile, vel crudum, vid. Becher, Phys. Sub.

terr. p. 701. Adhæc Hauptm. de therm. Wolkenst. modo laudatus scribit: Se deprehendisse in illis aquam limpidam simplicem prima facie ex petra destillantem igne in sulphur mutatam. Quæ eleganter certe generis thermarum nobis ante oculos ponunt non minus, quam sequentia. Nimirum in agro Patavino ad balnea S. Bartholomæi in fonte aliquo, in quem aqua manifeste frigida ingreditur, & paulo postea ex subdito naturali calore ferverescit; imo in tota valle aqua, limus, arena, silices ardent. In hunc censum venit purgatorium dictum in Hungaria. Immo quod curiosum, in ipso mari alicubi & mediis ipsius fluctibus visa sunt aliquando incendia. In sinu Bajano & insulis Æoliis terra & undæ maris allisæ subinde fervent, fumos non raro & ignes emittunt, motus & sonitus edunt insolitos. Materia, quæ circa crateres colligitur, si aqua diluitur, sulphur, alumen & vitriolum largitur, & si pluvix cadunt, puteos, & torrentes iisdem inficiunt. Plinius L. II. c. 107. & cap. 106. refert, Thrasimenum lacum arsisse totum, & inter campos Babylonix flagrasse piscinam. Mare incendium quoque passum esse adducit Liv. L. XXXIII. L. VI. Autor est Strabo vid. Transl. angl. phil. 26. in Cycladibus ex mari exivisse flammam per dies IV. tantas, ut ipsum ferveret. Hic commemorandus fons saliens, qui conspicitur probe urbem Gratianope litanam ejiciens simul cum aqua ignem, & si lingua injiciuntur, comburuntur, ac ille in Palat. Cracov. inflammabilis, aliusque in Anglia. Plura vid. apud Plin. l. c. lib. II. c. 106. & 103. Agricola de nat. quæ effl. ex terra c. 22. & c. Quamobrem in Italia præsertim, ubi sulphurea corpora ardent in terra copiosæ thermæ inveniuntur. Siquidem L. Gryllus scribit in Orat. de peregr. Med. quod in agro Senensi supra XV. scaturigines hinc inde habeantur. Quid multa? Clarissime hoc declarat Rocha p. 5. in Scrut. therm. hic enim effodiendo usque ad thermarum pervenit principium, ubi deprehendit scaturientem ex terra aquam frigidam gustui inspidam, imbibentem deinceps sal quoddam minerale, quæ aqua postmodum, ubi attigerit marcasitam sulphuream mox intensam ebullitionem, spumam ac intensum æstum concepit.

XV. Prout igitur major aut minor fit terens motus, & prout calor conceptus longius ab ipsis venis, canalibus, fontibus distat, aut materiæ sulphuræ, martialis, vaporosæ major aut minor copia adest, quo magis fervet, vel sensim tardeque, vel repente & subito agitantur, partes minus aptæ ad talem æstum concipiendum magis minusque commiscuntur; quo majori in copia expirationes aquas replent, thermæ intensius aut remissius quoque calent, unde in eodem sæpe tractu, (ut in thermis Carolinis annotavi,) varix reperiuntur hinc inde scaturigines circa illum primarium & furentem dictum calore a se invicem differente. Manifestum id in Siculis balneis conspicitur, uti testes oculati referunt; quæ venæ aquarum emanant

propius Ætnam versus calidiores, quo remotius, tepidæ sunt. Quinetiam in nonnullis thermis ignem adeo esse vicinum scaturigini, si agantur cuniculi, ut una cum aquis flammæ erumpant. In præsens dicendum est, quod quo calidiores thermæ, eo copiosorem & firmiorem secum vehant atque deponant ochram; quo tepidiores, eo pauciores. Exempli loco sint thermæ Carolinæ, quæ intensissime calent, magnam copiam ochræ deponunt non tantum in canalibus, quos percurrunt, sed & res alias circumpositas illa afflant atque afficiunt. Nostræ vero tepidæ æque ac Toeplizenses, Wolkensteinenses, Landeccenses, S. Johannis in Bohemia &c. minorem quantitatem secum vehunt, minusque exhalant. Undenam ochra in omnibus thermis reperibilis? Illam esse marcasitæ illius sobolem sub ipsa actione & reactione crocæ, solutæ atque paulatim diffuentis, (cum marcasitæ alias solutæ similis sit) merito reputandum est. Idcirco & omnes bene calcinatæ & magnete tractatæ partes reddunt martiales.

XVI. Pari ratione se habent incendia montium & agrorum, terræ motus (quæ nostram hanc hypothesin probant, stabiliunt confirmant) nam hi plurima ex parte ex pyrite constant & imbribus accenduntur augenturque; sic verb. gr. in provincia Romandiola ex terra infernali dicta pluviosa tempestate existente flamma luculenta erumpit atque Ætna vento meridionali humido flante multos ignes evomit, nullos vero septentrionali exsiccante vid. Boccone in annotat. curiosis VI. p. 126. sq. In tractibus enim subterraneis spatiosis, ubi major & liberior aër conceditur, luculenta flamma tandem excitatur, unde halitus vagantes & conclusi, terræ superficiem quatiunt, usque dum per fissuras terræ sæpe magno cum strepitu, flamma & fumo erumpant. Hinc circa hos montes magna in copia reperiuntur marcasitæ exustæ in pulverem facile, si cultro scinduntur, aut malleo euduntur ad instar antimonii resolvables, Conf. idem Baccone l. c. p. 248. quarum pulvis ferreas juxta alias partes concedit, emittunt & sulphur, alumen, vitriolum aliaque mineralia sub ipsis incendiis, atque fontes dulces circa illa loca sulphureo sapore durantibus terræ motibus & ante aut post illos imbunntur. Nec est, cur dubites de sufficienti aëre, imo ventis in cryptis subterreneis, qui follium vicem obtinent, movent ac excitant fomitem. Si enim nihil usquam vacuum, si datur transitus aquarum, facilius & dabitur spatium aëri & ventis, qui adhuc magis penetrare possunt. Hi potissimum oriuntur ex lapsu & appulsu aquarum per canales prius ex mari (cujus fluctus interdum per aliquot milliaria agitantur, antequam percussione, ut regrediantur, offendant) vel fluminibus suscepto & dein per illos continuato, (aerem enim nihil aliud esse, quam aquam subtilem constat ex Torricelliano instrumento & Æolipilæ experimento.) Quo major ventus, majorem ignem & flammam concitat, quo minor, (ut fere in tota

Germania accidit) ab impellentis præsentis magis defectu, maris sc. varlis quoque salibus sulphuribusque prægnantis pabulum simul quoque appor- tantis remoti, cum flumina tantam vim non habeant æstus maximus qui- dem excitatur, sed ignis quasi conclusus manet, qui tamen per tellurem calidissimas exhalationes circumspargit. Quod vero mare ad ejusmodi montes ignivomos perveniat, Dominicus Bottonus in Topograph. Pyrolo- giæ declaravit, referens Vesuvium non raro pisces saburramque arenam &c. maris ejecisse. Ac modo citatus Boccone l. c. IX. p. 242. refert ex ejusdem montis cacumine quandoque ingentes aquarum eluvies deflu- xisse exsiccatò prope urbem Neapolitanam portu. Compertum præter- ea est ex Strabone, Mela, Plinio, cavernas subterraneas spatiosissimas repe- riri. Videntur & multæ in Italia, Sicilia, Hispania &c. ex quibus ingenti & horrendo strepitu venti efflant, ut nemo sine periculo accedere ausus sit. Patet & hoc ex terræ motibus, hiatibus & voraginibus, & tot urbium ruinis, si enim nullæ ejusmodi essent spatiosæ cavernæ, tam vasta terrarum spatia in se recipere non posset terra; ea propter non adeo infelici con- jectura ductus Aristoteles causam explicans, cur repente interdum navi- gia in mare absorbeantur, ita scribit: Cavernosus locus terræ subditæ ma- ri quandoque dirumpitur, diductoque hiatu absorbetur navigium. Am- plius adhuc constat, sub mari spiracula esse ventorum, ut in littore Aquita- nico non procul a Bajona, ubi mare sine ullis ventis extrinsecus adeo tur- gescit, ut terram mox occupare videatur, moxque iterum subsidet. Plura exempla recessuum vastorum sub mari recenset Baccius. Indicant illos varia incendiorum antecedentium signa & effectus; præcedunt enim sub- terranei rugitus horrendi terræ motus, fulgura, tonitrua subterranea se- quuntur, terra in hiatus sæpe magnos secedit, rumpitur, ingentes glebarum, saxorumque moles projiciuntur &c. Adhæc quemadmodum ex motu a- quarum ventus sub terra exoritur, ita & augetur ipso deinceps igne, ubi enim ignis, ibi etiam ventus statim se prodit. Notabile insuper est, mari- tima loca ab æstu maris tepescere.

XVII. Omnium vero conceptu difficillimum videtur, quod per tot secu- la continuus calor in thermis permanere potuerit, & quod dictæ minere non absumantur. Sciendum autem est, quod ingentia dentur in terra mineralium fossilium strata, unde & ordinario circa istam regionem plures thermæ, acidulæ &c. conspiciuntur, sic circa thermas Carol. V. mill. spatio ultra CCC. acidulæ numerantur, circa Halam Sax. item per aliquot millia- ria & in Bavaria in regione XVI. mill. hinc inde multi fontes salini repe- riuntur. In hac vicinia quoque circa pagos Hermsdorff, Voytsdorff & Gottsdorff diversi tepentes, lacus inveniuntur. Ex his licet quotidie no- tabilis quantitas eruatur, tamen vix exhaustiri possunt, & si in ipsa origine

non tanta strata essent, nihilominus tamen illa aqua in transitu per longum interdum iter aliis in locis ejusmodi strata attingere non impossibile videtur, quas mineras iterum contactu suo in similem motum concitet. Inexhaustæ enim profunditatis fodinas reperimus, ex quibus ultra duo secula sulphur, bitumen, vitriolum erutum atque confectum est: Ibi eoque magis calor perdurat, quod si halitus tantum exinde spargantur. Pyrites & imprimis alias præ omnibus aliis mineris durabilem fomitem huic igni præbere valent, quod Lysterus in obl. de nat. & orig. terræ mot. & fulm. confirmat, quod carbonēs fossiles, tanto plus igni resistent, quo plus pyritæ in se habent. Quis nescit ignem occlusum & compressum, ac subterraneus est, diu durare multumque calefacere & minus corpora sulphurea &c. tam cito destruere atque exurere. Cui simile arridet, consideret modo vulgarem illam carbonum ligni confectiōem, ubi ignis occlusus & non tam amplum spatium habens se explicandi & ob aëris, motoris sc. actuantis suffocationem, refrenationem (quin etiam in cellis & cryptis subterraneis ejusmodi occlusis licet sat spatiosis ob crassum aërem candelam accensam cito exstingui reperimus) diutius continetur & subjecta ligna per longum sat temporis spatium ab ipso uruntur, minime vero destruuntur, sed deinceps carbonēs integri & pristinam lignorum magnitudinem æquantes eruuntur. Simile exemplum videmus in igne diu interdum sub cinetibus latente & in incendiis ædificiorum, ubi per plures septimanas in ruinis ignis tectus servatur. Sic in machina Papiniana firmissime occlula adeo, ut vapores aëris & aquæ non possint exire, paucissimis carbonibus diu ignis servari & carnes coqui possunt. Tandem & ipsa concreta resinosa atque oleosa terebinthinata mastiche, succinum, spiritus, vini quamvis sub aëre libero ab igne exiliori statim exardescant & tota absumantur: in vase tamen clauso ab intensiori licet igne lente & in vapores solummodo facessunt. Simul & perspicere ex supra adductis jam licet, aquam ignem etiam diu conservare ut in vulgus quoque notum est, aquam frigidam ignitis silicibus affusam majorem terrorem in balneis excitare. Addo quod Dioscorides lib. 6. de lapide Thracio refert eum aquæ aspersione accendi, idem Ælianus de animal. lib. 9. testatur in Vertice Chimeræ montis ut Thesias Cnidius tradit in Phaselide ignis atque limus ex stagno Comagenæ aqua quoque accenditur. Altissimi Norvegiæ, Sueciæ atque Islandiæ montes nive superne confecti, inferne sulphuream eructant flammam. Legatur Olai Magni opus de gentibus septentr. Cap. 10. & 11. Nisi conjectura aberro, alumen pyritis conjunctum symbolum suum conferre posse cum Ammiano existimo. Autor est Plinius ligna & tabulata alumine illita non ardescere. Legimus, Syllam turrem quandam ligneam alumine jussu Archillai, Regis Mithridatis præfecti oblitam exurere non potuisse. Sunt, qui ex sulphure

& alumine inter se certa enchirefi commixto æternum ignem parare posse gloriantur. Illud quidem necesse est, fateamur, ex parte illas mineras minui, & spatium, ubi continentur, excavari & possibile esse, thermas deficere olim; ita multa balnea fontes loterii, acidulæ, thermæ, quæ olim fluxerunt in Germania Italia alibique, necdum fluunt; aut a pristinis vitibus & effectibus longe recedunt, aut penitus exsolvuntur, ut quoque scimus, thermarum subinde calorem minui aut loco illarum frigidos fontes scaturire & vice v. Nam possunt marcasitarum venæ calorem, quem antea non habuerunt, concipere, possunt quoque defervescere, deficere, obrui, præcludi, alioque divertì aquæ profluentes. In nostro modo Ducatu Jauroviensi in pago Gieren acidulæ quondam fluxerunt maxime salutiferæ, quæ tamen hodie ab antiquo valore ac vi longe sunt mutatæ. Neque absolum est, mineras varias, metalla &c. iterum in fodinis exhaustis succrescere quod multi fide digni Autores ac rerum metallicarum scriptores auctoritate & experientia sua confirmant ac stabiliunt Barba de re metall. lib. I. c. XVIII. Jordanus de balneis nat. c. II. Matthes. in Sarrept. Conc. lil. Pet. Albinus in der Meisnischen Berg-Chronica tit. XVI. §. 7. Gerhardus Decad. quæst. physic. chym. I. Borrichius in Epistol. ad Barthol. cent. 4. ep. 92. Agricola lib. XII. p. 455. sq. Ercker lib. V. p. 315. Visæ sunt stannivenæ quæ dum eas infra suffodiebant, superne iterum recresebant, quod jam olim de maris hetrusci Insula Ilva Virgilius cecinit. Sulphur & bitumen semper post decursum quatuor annorum regenerari, adducit Fallopius. L. de aquis thermal. & metall. c. 5. Idem de bitumine in agro Mutinensi Italicæ memorant historiæ. Sal fossile in valle Oeni intra V. vel VI. annos iterum renasci, ut & sal fossile Polonicum, vulgo fertur. Pluribus hæc illustrat Kircherus in M. Subterr. L. IV. S. I. p. 168. Cont. & Camer. M. N. M. c. 10. p. 207. Comparet exinde, quod Natura etiam hoc in passu perennem instituat circulum, ut ad aliarum rerum propagationem & quod manifesta sint etiam in metallis aliisque fossilibus vegetationis indicia, cujus non in postremis & illud est, quod in Femora maris Balthici Insula habetur, ubi reperiuntur loca ex quorum solo ingens lapidum copia prominet, qui quotidie succrescunt. Certum coeterum est, ad incendia subterranea quoque materiam unctuosam suppeditare mare, crassas, salinas, unctuosas partes vehens, (partim in illo genitas, partim a fluminibus e terrestribus mineris ad portatas) ut reputat Baccius l. c. p. 188. vid. Bech. Phys. subt. L. I. S. II. c. 2. Per instrumenta enim compertum habemus, aquam marinam fundo propinquam bituminosam esse, succinum, ambra & similia forte idem monstrat.

XVIII. Perinde non habeo ambiguum, propemodum id se habere cum acidulis atque omni asseveratione affirmo: acidulas fieri, quando marcasitæ

paulatim magis aqua forte minori copia accedente & motu partium sulphurearum, martialium fervere, vaporant, ut sulphureæ successive abeant, quibus exutis, emergentibus copiosioribus halitibus acidis salinæ magis magisque exacuuntur, partes martiales, imo totæ quantæ, marcasitæque solvuntur, ac in vitriolum (non æque maturum nam hoc demum in aëre liberiori germinando lanuginis instar quasi efflorescit) & in ochram rediguntur. Quæ deinceps partes mediante aqua aliorum deponuntur atque colliguntur, ubi moram neſunt, vel longo itinere deſtuunt, vel interfluente majori in quantitate aquæ deſerveſcentis vaporibus ſulphureis adhuc iterum plurima ex parte dimiſſis, reliſtis ſolis ut plurimum particulis ſulphureis fixioribus & denuo concretis (hinc in lagenarum fundo acidularum ſulphureæ particulæ conſpiciuntur) uſque dum ex terra frigefaſcæ ſcaturiant acidulæ. Quare mihi liberum ſit a Sinutzii ſententia abire ſtatuentis: thermas Carolinas prius fuiſſe acidulas. Hæcque liquido conſtant; fodinæ enim, ex quibus effoditur vitriolum, calidæ ſunt, quod rerum metallicarum Scriptores teſtantur, v. g. Lohneſius &c. Imprimis hanc in rem præclare ſcribit Galenus L. IX. Simpl. Med. qui locus certe, rem exacte declarat. Notum quoque eſt, marcasitas abire in vitriolum plus minus, & ſulphure evaporato ex illis majorem vittoli partem recipere, quod deinceps ex aëre humido quaſi progerminat atque frondeſcit; hinc uſta marcasita flammam emittit, ſulphuris odorem ſpargentem, uſtum vero nec flammam emittit nec ſulphur redolet. Id ipſum monſtrat conſiciendi ars vitriolum quando ex marcasitis vitriolum excoquant.

CAP. III.

Naturam & Contenta Thermarum Hirschbergienſium examinat, rationemque operandi expendit.

§. I. **M**axima thermarum vis a mineris, illarumque diverſarum partium intima atque varia ſolutione & mixtione eſt, quoque magis intimiusque mixtæ ſunt atque unitæ, eo quoque meliores jure cenſentur. Unde Vitruvius lib. 8. c. 3. rectiſſime auguratus eſt dicens: Omnis aqua naturaliter calida ideo eſt medicamentosa, quod in præviis rebus percocta aliam virtutem recepit ad uſum. Ut ergo illæ noſtrarum thermarum nobis pateſiant neceſſe eſt, ut exactum inſtituamus examen, & in ejus contenta & quæ præ aliis prævaleant copia inquiramus, ex quibus ex parte concludere poſſumus, quid conferant aut noceant. Quod vero quam ſit difficile, quam arduum & quam incertum de eo ſit judicium, exercitatiſſimi

etiam Philosophi ac Medici agnoscunt atque fatentur. Quædam enim aspectum oculorum aufugiunt, & varia varie & intime inter se permixta atque soluta difficulter dignoscuntur atque aliorum similitudine nos facile decipere possunt, quavis etiam via aut modo tractentur, quovis etiam microscopio inspiciantur. Apprime hinc Hippocrates l. de vet. med. §. 3. dicit: Si quis de sublimibus inære rebus, aut de subterraneis dicat & quomodo sese habeant, sciat tamen neque dicenti neque audientibus manifestum satis fuerit vera ne sint, an secus. Antiqui Philosophi Peripathetici in explorandis aquarum medicatarum contentis, iisque signis multum tribuebant, quæ tactus, odor, sapor, color concedunt. Cum vero illa insufficientia plane deprehendantur; siquidem varia sunt, quæ hoc vel illo colore aquas tingunt, sunt quoque varia, quæ linguam v. g. acredine, adstri&ione &c. afficiunt, nostro maxime seculo dissimiles in concretis substantias adminiculis Chymicis eruere satagunt, & varias præcipitationes, solutiones, filtrationes, evaporationes, destillationes aliorum affusiones, combinationes ac coagulationes in situunt. Equidem præ omnibus aliis Chymia ad intricatos naturæ labyrinthos flum Ariadnæum, concedit & naturam imitari in operibus suis videtur. Hac potiori potimur analytica, quæ corpora naturalia dissolvit, componitque, & indolem & principia sua detegit, non æque physica simplicia, extrema, sed chymica, i. e. in quibus chymia in resolutione corporum acquiescere cogimur. At enim vero; ingenue etiam confiteri necesse habemus: insufficientes & incertas esse operationes chymicas, quævis etiam sint, ad omnium omnino corporum naturam exhauriendam, declarandam, demonstrandam. Ignem enim Chymicorum quidem cultrum anatomicum dici posse, sed non verum esse & genuinum corporum mixtorum analystam jam dudum Philosophi agnoverunt. Demonstrant id optime omnium illustr. Boyle in chym. Scept. Dissert. chym. & Cl. Bohnius Dissert. phys. l. p. 17. & sq. Quare dubitandum est, an ex illis semper constant corpora naturalia, in quæ per ignem fuerint soluta, dum equidem compagem & texturam corporum is dividit & resolvit, sed inter dividendum simul quoque partes eorum ratione figuræ, texturæ, situs & magnitudinis naturalis, miris modis rapidissime immutat, alterat & suo motu, (motus enim est causa efficiens omnium formarum ac qualitatum) novum ipsis situm, ordinem ac nexum inducit. Quare ignis ab Helmontio creatura destruens, & mors artificialis corporum ea destruens, vocatur. Unde alia diversa plane, aliæ prorsus vires, aliæ qualitates proveniunt. Imo imprimis subtiliores & mobiliiores (ut nihil jam de fixioribus magis dicam, cum constet præter particulas sulphureas, subtiles, aqueas, salinas & terreas quoque per ignem dissipari) prorsus destruit & in auras dissipat, adeo ut tenuissimæ partes quorum-vis commissuras vasorum & licet hermetice si-

gillatorum adhibito quamvis leni ignis sæpe gradu aufugiant per poros vaporum non deprehendendos. Enimvero ejusmodi minima certe dantur, quæ sensus plane non incurrunt, si tamen inter se coeunt atque coherent, corpora satis magna componuntur, a quibus deinceps iterum exhalant, quod ex variis experimentis constat. Quare, ut incidenter moneam, illi utilitati minus consulunt qui fontes loterios & acidulas calefaciunt. Tantum enim abest ut juvent, potius observavit Th. Tabernem in hydrogaz. p. 177. acidulas Sualbacenses calefactas obfuisse. Nova se objicit dubitatio: Separatæ sic partes si iterum commiscentur, nulla arte tamen possunt ita combinari, ut prins composita omni modo emergant. Anne cum aliis commixtio ac magis adhuc præcipitatio tutior, certiorque? Dubito, suspicor, si ve pori a tertii interventu constringantur, si ve laxentur, si ve impleantur magis, quod concreta alterationes secundum situm atque figuram patiantur; novam subinde reactionem efficere enixaque inde poriri possint. Probandi ratio aliqualis non erit difficilis, mercurii vivi & sublimati in aqua vel aqua forti solutio si eum ol. tart. p. d. præcipitatur, rubicundum pulverem si cum calce viva flavum si cum Sp. sal. ammon album præcipitat, quæ tamen omnia sunt alcalia &c. Taceo plane diversis eosdem effectus prodire, quod colligitur ex liquore, qui e calce, vel cum sale communi vel ammoniaco sula extrahitur, solutio per aquam per filtrum trajicitur, exhalatur leni igne, sal remanens in cella dissolvitur, hic liquor tam ol. tart. p. d. quam sp. vitrioli coagulatur. E contrario cernimus diversa & contraria sæpius eundem edere effectum quod in alcalibus quibusdam lac coagulantibus experimur &c. Non prolixius quoque attingam quod pro vario ignis modo adhibito, v. g. in aere aperto vel vase clauso, vel coctione, calcinatione &c. longe diversa eliciat ignis, v. g. ex vegetabilibus per coctionem educuntur salsa, nitrosa & tartarea, per distillationem simplicem acida, per incinerationem lixiviosa &c. Similia exempla habemus in camphora succino, sulphure & aliis idem de aliis probationibus v. gr. per putrefactionum &c. sentiendum.

II. Quibus ita positis, (ut ad propositum redeam) examen horum ope institutum aquarum Thermal. esse ejusmodi, quilibet sentit. Hinc non mirandum, quod ejusmodi probationes thermarum & fontium loteriorum a multis laboriose magis, quam utiliter instituta fuerint & quod multæ in lucem prodierint descriptiones thermarum, aliarumq; aquarum salubrium, quæ minus rem accurate exhauriunt, multa illis adscribendo, quæ minime iis in sunt, aut illa, quæ in sunt, omittendo. Quod si autem itaque res ita se habet, quod a priori non semper valeat bona consequentia, i. e. quod non sufficiat, thermas ratione contentorum saltem indagasse. Altera a posteriori, experientia sc. eaque multis exemplis stabilita, in auxilium vocanda.



Qui ambo conjungit, certius atque securius procedet. Etenim duntaxat plurima ex parte, si vera fateri volumus, thermæ, quæ celebritatem hodie acquisiverunt, sunt inventæ ampliatae atque stabilitæ. Licet itaque in quam virtutes aquarum mineralium experientia magis quam rationibus dignosci possint, ob mirandam scil. mineralium varietatem diversissimamque illorum modificationem & mixturam, nihil tamen impedit, quin per diversa examina contenta in illis quodammodo patefacere possimus. Faciam itaque id circa nostras & thermas brevissima ac facillima via, quantum poterò, & quantum mihi concessum est, quantumque res & scopus ferunt, atque permittunt.

III. Prosequar strictim. Si lapilli in fontes utrosque immittuntur, per curvatas lineas & præpediti quasi deorsum delabuntur. Aquæ thermæles si ex fontibus suis hauriuntur, in iis copiosissimæ bullulæ e fundo vitri ad superficiem tendentes & lateribus adhærentes margaritarum instar conspiciuntur. Calidæ haustæ & frigefactæ lib. i. gr. V. & ultra ex coenobii, ex, Illustriss. & Excellentiss. D. Comit. fonte gr. VIII. quantitas decrescit. Instrumenti statici ope calentes & juxta scaturiginem paulo leviores etiam aqua fontana, graviores vero frigefactæ deprehenduntur. Nam notum est aquas spiritu copioso gaudentes leviores esse, quoniam aër & æther ut omnis rarefactionis ita & levitatis causa existit. Hæc sola aquarum levitas quæ præsertim etiam in aqua pluviali reperitur indicium aquarum salubrium haud infimum est, nam talis aqua subtilis levis atque spirituosissima facile & citius per exilissima vasa ac porulos transit pota, aperit subtilissimos ac tenerrimos etiam ductus, qui in quamplurimis morbis sunt obstructi & fundamentum illorum constituunt, quare illud sine studio & odio necesse est fateamur, quod thermæ nostræ ob partes spirituosas copiosiores temperiem & eximias plane virtutes si non omnibus aliis in Germania anteferendæ, postponendæ tamen sint nullis. Ad tactum sunt viscidæ, lubricæ, molles & temperato & non modo tolerabili, sed & tam jucundo calore, adeoque calori nativo humano maxime conveniente præditæ, ut optimo jure id de nostris dicere possim, quod G. Wernherus de therm. Budens. dicit, quod tam jucundo sint calore, ut velut humano studio temperatæ naturæ singulari benignitate ad hominum lavacra datæ esse videantur. Præter odorem sulphureum & lixiviosum saporem subdulcem primo subadstrictorium & in fine subacrem, lixiviosum & ex parte subamarum ac nauseosum in lingua ac faucibus relinquunt, quo plus autem fervent, eo gratiorem habent. Odorem exacte lixiviosum, sulphureum & saponarium referunt, & adhuc magis fragrantiores, si inferius exhausta prius scrobe de novo iterum scaturiunt. Ab injectis in aquam nullam alterationem notabilem deprehendes, nisi in residuo demum a destillatione

& evaporatione relicta. In coctione ipsa, evaporatione, destillatione in vitreo vase arctissime lutato ac clauso nihil recipitur, præter corpus terreo-salinum quam aqua insipida fontanæ similis. Neque tunc ullus odor sulphureus percipitur, sed saltem lixiviosus & foetidus nares ferit, nisi quod alembicum suspensum ad orificium retortæ denigret, (haud obscuro sulphuris avolantis indicio.) Inter destillandum nihil notatu dignum apparet, donec ad paucas libras aquæ quantitas abierit, tunc magis magisque colorem puniceum, imprimis ex Schafgotschiano fonte induit. Quod si imprimis in vase colli angustioris & fundi amplioris destillantur lateribus sal volatile hinc inde maxime ex eodem fonte sub forma crystallorum minimarum adhæret. Superficieï crusta salina innatat, odor & sapor tunc quoque magis magisque lixiviosus redditur, sali tartari similis, nisi quod magis nauseosus mihi quidem videatur, & spiritu acido instillato effervescentia sentitur, deponiturque sedimentum crassum & puniceum, liquore supernatante pellucidiori statim factæ. Aliquando aqua ad paucas libras destillata, similique modo adhibita & reposita deinceps post aliquot dies multæ crystalli majores & minores pellucidæ præter propter magnitudine grani hordei ejusdem fere figuræ & badio colore apparebant. Si diutius in vase detinentur, reponuntur, aut longius vehuntur, nunquam præcipitatum quoddam deprehendi potuit. Corpus terreo-salinum, quod ab evaporatione & destillatione in vase remanet, colorem refert ex albo puniceum in superficie inæquali magis cum bullulis quasi disruptis, albicantibus, nitentibusque. Linguae saporem hoc imprimit lixiviosum, subadstringentem & nauseabuudum atque odorem lixiviosum itidem & graveolentem & aliquantum sulphureum spargit. Si diutius reponitur aut transfertur in vase vitreo, aqua non facile corrumpitur aut putrescit.

IV. Omnibus tandem adhibitis, quæ ad probationem aquarum afferri possunt; (quæ vero hic ordine ulterius recensere non vacat,) atque remultum diuque pensitata in promptu erit notare: Thermas nostras duplici gaudere principio, volatili spirituofo (quod maximum) atque fixo perutili, intimo connubio unito. Spiritus aquarum probatur secundum notas spirituum in aquis: Ejusmodi enim aquæ spirituosæ, sunt tenues, lenes, bullulas habent multas, celeriter transeunt per alvum & urinam, vel sudorem, non adeo copiosa residua relinquunt evaporata cum ebullitione notabili ex fonte prosiliunt, nares blanda titillatione feriunt, & caput non raro nidore totum implent, in antliæ vacuo bullulas copiosiores emittunt: Omnes hæ notæ in nostris quoque aquis foteriis habentur, & quid aliud indicant, quam præsentiam materiæ aeræ in poris aquarum? Spiritus illi aquarum qui animam quasi earum constituunt sine dubio nihil aliud sunt, quam sp. sulphurei, aciduli sub forma vaporis aërem æque ac aquam per-



vagantes & in utrisque se manifestantes, hi enim sunt qui cineres clavel-
latos aliaque salia alkalia aeri libero exposita in sal nitrosum convertunt
& alumen calcinatum omnique sale exutum intra aliquot dierum spatium
sale acido de novo imprægnant. De reliquo refert du Cleos de aquis
Gallia p. 93. se destillatione prima ex spirituosis aquis spiritum [exigua qui-
dem quantitate obtinuisse, qui aquam Torna-Solis coeruleam rubedine in-
fecisset Præter Camerarium vid. M.N. & M. Cent. X. p. 211. & Becher
phys. subt. Sect. II. Cap. 3. p. 73. testatur: aquam non raro fontanam non
nihil spiritus habere, quia omnes fontes calidi quid in se habent atque dan-
tur aquæ fontanæ hyeme non congelascentes, quia ex fontibus fumantes
vapores interdum adscendunt, & si ejusmodi aqua primum ex fonte hau-
ritur, ore detenta nonnulli spiritus nares ferientes emittuntur. Mediante
hoc principio imprimis subtili, activo, elastico thermæ, fontes loterii pluri-
mi, (cum multi dentur, quorum aqua in destillatione & evaporatione nul-
lum relinquit sedimentum,) tam admirandos edunt effectus, quamdiu spi-
ritus ille iis inest; hinc observatur, quod ejusmodi exorti fontes in princi-
pio non raro saltem vegeto & præsentī spiritu maxime se exserant, subse-
quentibus vero annis, deficiente, debilitato illo vim illam amittant tales v.
gr. fuerunt in nostra vicinia quorum alter anno 1677. Pegaviæ exortus
& contra scabiem & paralyfin eximius fuit; alter 1684. Illeburgi infra ar-
cem pluribus quondam comendabilis profluxit. Hocque observatu di-
gnum est, quod ubi ejusmodi aquæ loteriæ vel spirituosæ reperiuntur, cir-
ca illam regionem quoque dentur mineræ.

V. Sicque porro inter partes his aquis contentas volatiles magis juxta mo-
donominatas eminent vitriolicæ salinæ & sulphuræ, communi sulphure &
vitriolo arteque omnī parato martiali illorum spiritibus aliis exinde præ-
paratis longe excellentiores. Inter fixas magis numerantur itidem sal sul-
phur bitumen, alumen, mars, & terra. Namque non precario ista admissa
esse ulterius demonstrat sensus, comprobatur ratio, confirmatur experientia.
Etenim quando juxta scaturiginem & statim recens haustæ & calidæ
libram r. pulverem gallarum, ex fol. quercinis aut ejusmodi aliis ad-
stringentibus, scrup. ad drachm. sem. injicis, non equidem satur color niger,
sed ex atro purpureus, (obscurior tamen magis ex Schafgotschiano fonte,) exinde
emergit, a scaturigine vel alveo remota & frigefacta aqua nullam
ejusmodi mutationem, sed solummodo turbationem percipies. Vitriolum
enim volatile in omnibus pene thermis forte etiam optimum illarum
ingrediens invenitur, cum illud ordinario in mineris istis, ex quibus ignis,
calorisque subterranei origo reperiatur. Insuper non modo ex Lohneisio
constat: omnes pyritas posse in vitriol. plus minusve abire; sed & in
valle gigantum in ipsis montibus sudetis & in pagis vicinis Schreiberau

& Zischdorff, in Misnia circa Duben videmus & Schwartzenbergam erutas marcasitas paulatim in vitriolum efflorescere, hinc & ordinario fere thermæ tepidæ minorem partem vitrioli ejusmodi volatilis; calidiores vero majorem possident sed calida saltem aqua reperibilem, siquidem in ipsis Carolinis thermis utpote calidissimis sum expertus gallarum pulverem mox ad fontem aquæ ferventissimæ injectum colorem nigrum magis; minus vero tepesactæ inducere. Sulphureum odorem quivis statim percipit & argentum cum primis aquam immissum colore fusco tingit, auri vero colorem exaltat, linteamina sublutea reddit, quin & interdum parietibus ad instar fl. sulphuris adhæret. Præsertim Schafgotschianus fons plus sulphuris redolet atque sensibilibus magis nares ferit, imo pungit efficacissime; salia enim quo plus sulphuris eis accedit, magis fiunt volatilia. Si reponitur aqua, aut destillatur, evaporatur, (ut modo diximus) nullum deinde odorem deprehendes sulphureum, paucillumque illius fixi in residuo remanet inflammabilis solo odore ex parte perceptibilis, quod tamen eo magis confirmatur; si illud prunis candentibus adspergas, & si misceas cum sale tartari, transit in hepar sulphuris. Oleaginositatis quoque quid subesse clare demonstratur. Sæpius vidi illud, & chartam, in qua residuum corpus terreo salinum imprimis ex Illustr. Comit. fonte asservabatur, oleaginositate lutea infecisse & digitos unctuositate quasi obduxisse. Substantiam illam sulphuream & oleosam eo melius aqua misceri, cum eam comitentur aluminosæ & vitriolicæ, nitrosæ particulæ (utpote salinæ, quæ facile cum aqueis connubium ineunt) habetur.

VI. Inter partes fixas primas tenent sal fere alcalinum, quod si nitrum illud vocare malles, non refragabor; ad naturam enim nitri Veterum proxime accedit: Huic nec immerito thermis potior virtus juxta partes volatiliores, spirituosas, adscribitur; huic soli fere omnium vim adsignare videtur. Clariss. Wedelius Am. M. M. & Pharm. acroam. p. 432. Et sane alcalia sanguini maxime amica & illius naturæ fere affinia ac polychresta sunt. Hujusque salis alcalini aquæ thermalis libræ XX. per lenem evaporationem (si destillantur, semper minor quantitas remanet) dant ordinario, ex Schafgotschiano fonte scrup. i; ex altero drach. sem. circiter recipitur, quam quantitatem in utrisque duplo corpus terreum excedit. Hinc etiam in plurimis, si non omnibus sal alcalicum invenitur, uti longe majori in quantitate in Granensibus, Borboniensibus & Vichiensibus in Gallia, in thermis Carol. Embsenf. Toeplizensibus, imo acidulis & fontibus, lacubus, rivis. Hoc prima fronte statim odore in nostris manifestatur, nares enim ferit exacte lixivioso odore, & post evaporationem remanet sal alcalicum ex residuo elutriandum, quod tamen in fine quandoque plus minusve (in primis ex Coenobii fonte) subamaricat, gustu ipso ordinariisque experimentis ma-

nifestatum. Ex quo quivis me non monente intelliget, hoc sal in thermis contentum ex parte esse volatile, ex parte esse fixum. Constat enim, omnia salia fere alcalia fixa, si igne tractentur, quo per motus varios attendantur, digeruntur & in moleculas tenuiores rediguntur, aliquid volatilis de se spargere. Exempli loco sit ipsum lixivium ex cineribus saltem factum, odorem satis fortem reddens. Perinde præter Illustr. Boyle, Tournefort. Loewenhoeck, Grewius & Bohnius annotarunt, dari diversi generis terras argillaceas, ex quibus spiritus & sal. vol. urinosum destillando elici valent, quamvis non pure & excessive tale alcalicum sal sit quia comperit per rationes atque experimenta est alcalia, volatilia & fixa pura raro dari, ad horum classem saltem ob prævalentiam referri. Si & exacte examinatur, oleaginosam substantiam illud ipsum sibi intertextum habet. Alias subtilissimum est, facile & æquali propemodum aquæ portione solvitur & cum pulvere carbonum subtilissimo mixtum in crucibulo totum avolat sulphureo quodam fumo relicto. Si hoc sal alcalinum in libero aere asservatur, in sal quasi tertium (quod ordinario is accidit) mutatur, quæ mutatio spiritu universali aereo acidulo in acceptum fertur. Hoc sale alcali foetæ quoque sunt multæ terræ, saltem in nostra Germania ager Rupinensis, Marchiæ, Pragensis in Bohemia. In Misnia & Thuringia multis in locis in cellis efflorescit & ex terra eruitur &c. Ex Smirna aliorum magna in quantitate effossum adportatur. Bitumen non solum odore, acuto nitore, acerbitate, amaritie cognoscitur; sed & ipsis oculis conspicitur præsertim & ordinario magis in Abbatia fonte floccorum instar internatans, unde sæpius non potantur ejus aquæ cum tunc nauseam, dolores ventriculi & capitis causentur. Hinc etiam sine dubio est quod indusia balneo exeuntibus firmiter cuti tanquam glutine quodam affixa adhæreant, adeo ut vix possint avelli, quare necesse est in ipso adhuc balneo in dusia exuant, atque quod ipsa cutis glutine quasi & oleoginositate obliterata, & aquosorum ad instar globulorum oblita visu tactuque experiatur. Licet ejusmodi primum omnem cum aquis mixturam respuant, longa tamen mora & mixtione devicta iis confuse uniuntur, uti omnes fontes bituminosi monstrant. Hoc, si hic conjecturæ locus sit, ipse calor ex igne subterraneo eliquat. Mars non solum ex terra post salis elutritionem residua probe calcinata magneti capillamentorum ad instar adhæret, & quandoque gr. iij ad iv ex aquæ libris xv. imprimis ex Schafgottschiano fonte, qui illius majorem copiam ordinario possidet, collecta sunt; sed & ex ochra, quam intransitu deponunt thermæ eodem modo extrahitur. Fallunt, itaque admodum, aut fallentes nominatim Zwelfferum, Fallopium, Solenandrum, Tabernæmontanum &c. incaute sequuntur statuentes: thermis ferrum aliaque metalla immatura saltem inesse, & qualitates saltem illorum. Pauca partes

aluminis remanent, & pauciores ex Schafgotschiano fonte. Testatur hoc odor acidulus foetidus, gravis, imprimis si ad medicam siccitatem evaporata sit aqua, qui exacte refert illum qui ex alumine & sale ammoniaco in mortario terendo exsurgit & spuma & bullulae quasi nitentes remanentes & sapor aciditatis & adstrictionis, acrimoniae in amarulentiam paululum desinentis, & quod solutionis cochenillae colorem non mutat potius exaltet & sedimentum in igne fustum ad instar lactis liquefcit. Hoc quoque observatur, ubi pyrites exaestuatur, ibi & sulphur, vitriolum & alumen inveniri ac fodi, imo pyritae aliquam aluminis partem concedunt, uti anuclavit Excell. Bergerus l. c. p. 102. Siquidem & hic circumjecti montes venis pyritae aluminosi & chalcantosi abundant. De ejus productione desinet dubitare, qui alumen coquere unquam vidit, & quod hic naturae operationem ars imitari videatur. Tandem mentio facienda est terrae residuae ex evaporatione & elutitione, quae quandoque ex luteo albicat, quandoque cinereum plane colorem refert, commixtis quandoque filamentis velut minoribus inter se contortis atque inflexis, subpinguis non raro deprehenditur. Ulterius reperitur & alia species terrae longe subtilioris, salinae, unctuosae, quae aquis thermalibus cremoris instar supernatat. Cuticula ista, quam format terra haec subtilis una cum partibus salinis & oleosis crassior & conspicua magis apparet, quando aqua deferbuit.

VII. Hæc vel superficiaria recensio jam sufficiat, cum quantitatem exactissimam singularum ac omnium expiscari quis vellet, res esset incerta, si non vana, nec nobis jam adeo multum interest specialissimam nosse, imprimis cum singulis fere annis pro diversitate temporum aliqua variatio in his circa scaturigines nostras loterias advertenda veniat, secundum particularum singularum majorem & minorem copiam, quare nihil pro immutabili naturae lege reputes, v. gr. hoc anno majorem quantitatem salis alcalini, bituminis, martis; altero minorem concedit. Hoc residuum terreo-salinum subalbum, aut ex luteo albicans, nequaquam affusam colore puniceo & simili odore graveolenti ex lixivioso foetido inficit; altero rursus sulphureæ magis & graveolentes thermæ atq; hoc calidiores altero tepidiores videntur. &c. Proin quoque non omnibus annis æqualis operatio semper sequitur. Ut explicatius loquar; ante biennium thermæ Schafgotschianæ maxima & plane inconiuta bituminis copia a medio Aprilis ad finem usque Octobris conspicuæ erant, quæ ideo potum impediēbat; (potæ enim statim ardores stomachi & dolores capitis gravissimos excitabant) diaphaneitas aquæ & calor tamen persistit immutatus, & visum est, hos binos fontes ordinarios suos effectus inter se quasi commutasse. Hocque annotatum est, quod frigidioribus annis magis laxent, quam calidioribus, ut & quod Schafgotschianæ si prægressa hyems frigidior fuerit & plus nivis de-

posuerit in montibus, sudet: tunc & parum bituminis effundant Illustriss. Comitibus, Abbatibus vero alias ferme æqualiter se habent ad exterius hoc accidens. Utræque thermæ tempestate pluviosa fortius spirant sulphureum odorem & imminentibus ventis plus quoque emittunt vaporum imo die una vel dimidia ante pluviam, calidiores apparent & caput balneantium magis afficiunt.

IIIX. Unde vero variationes hæ eveniant, haud meum facio nunc prolixius explicare, disputare, dirimere. Nobis parum interest; an quis ex siderum aspectu vario, conjunctionibus, oppositionibus, an alius ex pluviis, imbribus, alius ex flatibus, exhalationibus, ventis, illas procedere affirmet. Certas aliquas cæterum mutationes a tempestatibus calidioribus, aut frigidioribus, siccioribus, aut humidioribus adscribi posse ex modo allegatis observationibus facile crediderim, imprimis cum alias quoque alterationes fontium ab ipsis pendere clare percipiamus. Quinimo etiam hoc in nostris accurate æstimantibus & observantibus notatum est, illas imbribus præter modum cadentibus aliquid virium suarum amisisse, quod & alii, ut Aristoteles jam alii de Magnesiis de aliis, imprimis & frequentius de acidulis observarunt. Facile enim tunc fieri potest, ut in transitu affluentes copiosæ aquæ pluviales vel a nive copiosa liquefacta affluant, æque ac observamus, si latiori fossa forte augeantur, accedente quædam fera vena, quam vocant (ut aliquando propemodum in Schafgotschiano contigisset vel in illo fonte prope Franckensteinam contigit) virtute, quæ antea, non amplius possent. Illud quoque a vero haud abesse censeo, quod aquæ sæpe fluant non per fodinas mineralium tantum, sed & juxta eas, ita saltem, ut particulae quædam ipsis communicentur, & quod in via assumant tales alias particulas, ut earum usus debeat existere varius, imo plerumque incertus, videmus hoc in nostris quovis fere anno, videmus & in aliis. Quare falluntur ii & fallunt, qui forte concedunt aquarum thermalium perennem virtutem adesse; Sic ulterius Sebizius Dissert. 50. S. I. de acidulis Allatiæ scribit: acidulas esse quandoque adeo acres, ut dysenteriam commoveant; nonnunquam effoetas & pristino vigore privatas. Injuriosi vero in thermas videntur, qui vel levi mutatione aëris, eoque pluvioso & nebuloso existente, vel ventis minus secundis agitato, si minus bene forte se habeant, adeo ut coacti sint usum thermarum ad tempus intermittere, vitium in thermas conjiciunt, cum potius accusare deberent (me quidem iudice) ambientem aërem mutatum, qui in corporibus illorum ejusmodi alterationem efficit, quod non solum ægri, sed & satis alias sani toto die experiuntur. Plura & certa hucusque in illis non invenire potui, quanquam diu multumque scrutatus sum, irritus tamen labor, irritumque duntaxat scrutinium, dubiumque judicium fuit. Alii thermis nostris & aurum & argen-

tum, imo gemmarum tincturas assignant, eoque nomine Ficuncellensibus, Budensibus in Hungaria, Favariensibus &c. ut vulgo fertur, æquiparant, ut ante aliquot annos metallurgus quidam aut avaritia aut adulatione forte ductus sabulum ex Schafigotichianis thermis addito pulvere fulorio in regulum aureum fusisse gloriatus est. Ego nullum aurum nullumque argentum in his aquis ferratis (nec vel iis inferioribus ad minimum, cum adhuc earundem efficacia major neque experientia, neque ratione satis probari possit) invenire aut demonstrare hucusque potui quamvis non simplici vice sedimentum aqua Regis solutum & præcipitatum fuerit, nulla tamen punctula nigricantia examine eodem modo instituto aquaque forti instillato & s. a. præcipitatione facta lamina cuprea se manifestaverunt. Nolo tamen aliis multum refragari, saltem ingenue fateor modum me mixtionis determinare nondum posse.

IX. Sed ad rei coeptæ seriem redeamus. Aqua simplex eaque pura, levis, subtilis qualemque nostræ thermæ vehunt quæ vehiculum harum mineralium constituit, haud inutilis deprehenditur, sed maximas vires & medicamentosas possidet, quippe mollicie, levitate, fluxilitate, tenuitate & copia sua in morbis insignem affert utilitatem, utpote salia morbosa diluit, eluit, & crassos humores tartareos emollit, attenuat, humectat, refrigerat & superfluum excrementitium per colatoria educit, excretoria aperta servat, obstructionsque referat, & sanguini, omnibusque humoribus fluxilitatem ad vitalem circulum desideratissimam conciliat, secretiones & excretiones omnes juvat, & pene omne curationis punctum absolvit, huic in quantitate nimirum majori assumptæ majorem, quam vulgo creditur atque perpenditur, partem in sanandis morbis tribuo ac profiteor simplicem aquam puram, subtilem levem solam quam plurimorum fontium soteriorum, in quibus ne mica quidem principii mineralis, metallici aut salis continetur, utramque ut ajunt paginam facere, exemplo ex notissimis sint Favarienses, Schlangenbadenses &c. Atque quoniam deinceps salia illa soluta sunt, magis ob id penetrant aguntque, Ac ne id quidem mihi reticendum est, quod calor & ut partes subtilizat unitque ita & horum ingredientium vires haud parum adjuvet, efficiatque ut intestina sua agitatione calefaciant, ut magis penetrare & transire possint, humores circulantes ad majorem motum cieant, magis aperiant, magis diluant. Nam tenendum & hoc est, quod & alias aqua calida magis diluat, quam frigida, vis enim diluendi per calorem incendi videtur aqua enim calida, magis secundum minimas suas particulas agitur, magis movet motu & vigore suo promptius intimiusque penetrat, viscida potenter resolvit, humores salcos acriores imbibit & diluit, ad fluiditatem reducit, solvit, detergit, ac secum ad emunctoria abripit, secernit exacuitque. Hocque vivido suo calore & blando partes fo-

vet, ac reficit. Namque thermarum aquæ hoc habent peculiare, quod & aëri expositæ calorem suum diutius retineant, quam aqua communis calefacta. Hujus causa & ratio ex adductis repeti potest, quod sc. motum ab igne excitatum aër frigidus subito cessare faciat, thermarum vero calidos vapores idem cohibeat, ne tam cito dissipentur. Habent & hoc, quod licet sint fervidissimæ uti thermæ Carol. tamen non linguam & fauces potæ adeo adurant, neque excitent vesicas, ut quidem aquæ vulgares igne calefactæ.

X. Operæ pretium erit, ut singula ingredientia, prout nempe sunt extra compositum, seorsim inspiciamus, & illorum vires & modos operandi perpendamus, ut faciliori via ad usum deinceps illarum deveniamus. Quæ tenuium partium sunt, volatiliū, spirituosarum sub forma vaporum adscendentes, maximam vim medicamentosam, (utpote qui immediate agunt in spiritus animales,) explent, totum pervadunt corpus, imo totum genus nervosum tam nobilissimo fluido perfusum elastico quasi stimulo afficiunt, humores rarefaciunt, sive ad majorem molecularum suarum discontinuationem adigunt, circulum illorum intendunt, organa stimulant secretoria & excretoria & virtutes alexipharmacas aliasque longe antecellunt. Tenuis istæ partes primam hic sibi vendicant gloriam cum fixæ minori incopia insint, a quibus tantæ virtutes, quas præstant aquæ nostræ salutare, vix sperandæ veniunt; Speciatim de reliquis & dicendum est, quod primo principium sulphureum emolliat, soletur nervos, sedet dolores, somnum cieat (sulphur enim & aqua sunt somni materiale principium) discutiat, calefaciat, exsiccat, aperiat, penetret, digerat, putrefactionem avertat, veneno resistat, &c. Intus assumptæ ejusmodi thermæ subvertunt stomachum, alvum solvunt, & urinam pellunt &c. Vitriolum necat vermes, exsiccat, constipat, extergit, roborat, aperit, digerit. Sal alcali purgat, urinam & sudorem movet, ut omnes aquæ (nam salia aquosa proficua magis sunt diuretica) sale alcali turgidæ, magis vero urinam adhuc, si sal illud quoque sit aluminosum, acidulum, concitat, incidit, attenuat, aperit, siccatur, acidum invertit, abstergit, secretiones & excretiones juvat, progressum sanguinis celeriores reddit, faciliat, cum partibus terreis conjunctum roborat &c. a deoque in conservanda sanitate & profligandis morbis, maxime chronicis ab acido imprimis oriundis eximie se gerit. Præstat hæc omnia imprimis juxta spicula sua tenuissima, divisa æther copiosus in pororum interstitiis hærens, utpote causa efficiens omnium motuum materialium, omnisque fluiditatis ob maximam suam subtilitatem & celeritatem. Ob has partes spirituosas sulphureas & salinas, utpote principia magis activa, possident egregiam vim per subtilissimos poros & canales penetrantem, qua propter ad affectas corporis partes intimiores pervenit, maximeque

ad motum stimulat. Quibus modo indiciiis me non monente quivis percipiet, thermas nostras in contumacissimis & abstrusissimis corporis vitiis minimorum canalium & tubulorum obstructionibus, reserandisque dyscrasiis humorum & per consequens etiam spirituum animalium corrigendis non solum interne, sed & externe egregiam ferre opem, &c. Bituminis vires affines propemodum sunt viribus sulphuris; ut aluminis, vitrioli minus tamen efficaces bituminosæ tamen aquæ purgando vitiis corporis magis medentur. Mars adstringit, roborat, & aperit, simul gravitate attenuandi ac rarefaciendi virtute præditus, quam contrariam actionem (ut cursim hoc addam) ita mihi concipio, quod vasis obstructione liberatis eorum latera adstringi s. contrahi necesse sit; fibræ enim sanguine stagnante relaxantur, remota hac vero elasticitate sua tonum restitunt & pristinam contractionem exercent. Acidum porro destruit & ad morbos corporis diuturnos, salinos, tartareos multi est usus. An mars, ut solidissimum & durum corpus, aquas, s. ejusmodi liquores, qui manifeste tales non apparent, inficiat, hac vice multis argumentis & experimentis non declarabo. Terreæ refrigerant, siccant, roborant, absorbent, temperant &c. Quinimo in toto mixto ex oleaginitate humectantem, emollientem, anodynam; ex odore forti penetrantem; ex sapore subdulci concoquentem, emollientem, &c. ex subadstringenti refrigerantem, condensantem, replentem, roborantem; ex subamaro purificantem, aperientem, attenuantem; ex salso siccantem, solventem, a putredine præservantem, diureticam, laxantem hariolamur qualitatem, & sic porro.

XI. Obvarias has concretorum in se invicem mixturas operationes variæ quoque oriuntur, ut ideo non tantum ingredientia mineralia, sed & crasis & modus vel secundum veteres temperies substantiæ attendenda. Namq; ob unionem adeo intimam & novum quoddam quasi enascitur, nova componitur vis, ut illud in multis videmus, v. g. mithridat: & theriaca, cort. peruv, pulvere pyrio &c. in quibus conjunctæ atque unitæ saltem partes effectum edunt. Optime inquit Galeus de Med. Facult. L. II. remedia quædam specifica, quæ tota substantia i. e. non juxta certas suas partes, sed quatenus omnes hæ partes totum quoddam constituunt, agunt. In hanc rem testimonium quoque affert B. Ettmullerus Op. M. T. II. p. 1907. Sicut videmus, inquit in antimonio, cujus neque substantia acida, neque alcalina separata, sed ambæ saltem combinatæ catharticæ sunt. Quare satius est, & multi momenti, ita sentiente Galeno L. V. de Sanit. tuend. thermas & aquas medicatas experientia ipsa cognovisse, cum modus unionis, (non simplicis cujusdam mistionis) adeo intimæ nondum satis perspectus sit. Ideo monet Hæferus in Herc. Med. T. I. p. 345. de aquarum dicens, medicatarum qualitatibus temere non judicandum. Si enim videmus tales a-

quas constare v. g. ex alumine, sulphure, ferro, nitro, non statim pronuntiandum: ergo eas habent virtutes, quibus constant mineralibus, &c. Quinimo refert A. Libavius de Nat. metall. p. 93. inveniri aquas ollas corroderentes & lapides, eorumque halitus mentem eripientes quæ tamen salubres sunt medicinæ, quod & de Wolkenst. Goebelius narrat.

XII. Ac si omnia sub incudem revocamus atque perpendimus, hæriolari licet quod nostræ aquæ loteriæ sive externe sive interne usurpentur, caloris & contentorum ope virtutes calefaciendi, diluendi, emolliendi maturandi, siccandi corruptionem ac putredinem avertendi, relaxandi, acrimoniam temperandi, leniendi ac mitigandi, dolores sistendi, attenuandi, resolvendi, detergendi, aperiendi confortandi, consolidandi, evacuari præsertim obtineant. Exindeque colligitur quod ventriculo, intestinis, utero, vasis sanguineis, pulmonibus, cerebro, &c. auxilium ferant & quod magnum usum præstent in morbis ex lymphâ crassa, viscida & salsa acida, acri oleosa, in obstructionibus in atonia fibrarum ac earundem crispatura, in exulcerationibus, tumoribus &c. atque uno verbo in plerisque morbis, si non restitutionem in integrum, levamen ad minimum maximum afferant. Licetque exterius saltem in balneo adhibeantur, vim tamen penetrandi egregiam per poros corporis undique possident imo ad fluida usque. Calida enim aqua utpote magis mobilis atque pervadens primario, cui ingredientia tanquam vehiculo insunt, non solum laxat fibras & dilatat, aperit, rarefacit poros cutis ut hæc particula salino-sulphurea, magis activæ, spirituosæ, libere eoque melius intimiusque per eas se insinuare & operationes suas perficere possint sed & ipsa per poros particulis suis lubricis, flexilibus promptissime se recipit ad intimiores corporis usque recessus, quæ res licet a multis in dubium vocetur, per multa tamen experimenta multosque effectus demonstratur, adeo ut vix de ea dubitare liceat. A peripheria ad centrum sic recepta aqua thermalis, undique operationes suas perficit; & rursus a centro ad peripheriam agit. Unde aptæ sunt, quæ causas morborum etiam in remotissimis locis destruant; Penetrantiæ resolutionisq; humorum coagulatorum, earum vis exinde vel nudis oculis patet, quia in balneis limpidis interdum post infusionem levis quædam pinguis cuticula super natat ex balneantibus siue dubio non ex ipsis thermalibus aquis profecta. Amplius dicendum est, quod aquæ in balneo mole, densitate ac pondere, quo ipsum aërem adhuc antecellit undique nitentes agant, cutem cum subiectis musculis & vasis omnibusque reliquis organis impellendo, comprimendo eoque humores ex glandulis & poris excretoriis etiam ex intima corporis regione exprimendo, sicque circulum sanguinis augendo, ut variis experimentis demonstrat L. Bellini de Mess. Sangv. p. 144. ad quod efficiendum majorem vim possident, dum ex inferioribus scaturiunt calidæ,

quæ vis ex aqua in fontibus artificialibus aut thermometris inclusa & calefacta metiri potest, dum in altissimum spatium evēhitur ac expanditur, vel vasis firmissime etiam solidissimis inclusa accedente calore, dum ea magna vehementia disrumpuntur. Quam actionem adjuvant spiritus & salia maxime in ipsis aquis thermalibus contenta, quæ titillatione levique vellicatione sua & stimulo in papillis nerveis facto, eam sollicitant. Et ut in compendio illarum faciem exhibeam: s: intus, s: extus adhibeantur, duo illa summa capita remediorum explent, alterant sc. & evacuant totum corpus sensibilibus & per omnia emundatoria, insuper præservant & curant, juvant per se & per accidens morbos internos æque ac externos, operantur tam quantitate, quam qualitate.

XIII. Operatio autem ipsa his resultans, secundum varia subiecta variat, ut hoc quidem commune omnibus propemodum remediis est: In aliis efficacior, in aliis minus talis est; nunc enim v. gr. balneum imprimis obstruit alvum, nunc solvit eam, nunc potus alvum magis aperit, nunc magis urinam pellit, nunc sudorem, quandoque & salivationem concitat, non raro per nares, interdum per aures & ductum Fallopiæ, ad fauces pone uvulam excernit atque deponit recrementa. Eadem operatio rursus in aliis per narium spontaneas hæmorrhagias, per hæmorrhoides & foeminarum mensium fluxum aliasque uterinas excretiones se exerit. Alii citius, tardius alii a thermarum adhibitione moventur. Nonnunquam simul omnes hos effectus edunt, nonnunquam aliquos & seorsim; hocq; pro vario vigore & sensibilitate ventriculi & intestinorum, pulsu cordis & arteriarum copia, consistentia & fluxilitate humorum, amplitudine pororum & meatuum accidit, unde etiam facilius aut difficilius transeunt aquæ, distribuuntur, solvunt, secernuntur & excernuntur. Ordinaria vero nostrarum thermarum operatio quam omnes propemodum maxime balneantes experiuntur, & quæ iis quasi propria censetur, est, quod post aliquot modo ex balneo dies cutis rubris maculis aut purpura totius corporis cum maxima euphoria suffundatur, quæ efflorescentia modo in his per unius saltem septimanæ spatium, modo in aliis per plures III. IV. V. atque quandoque VI. hebdomades & ultra subsistit, & vel balneo continuato iterum decedit, vel etiam non raro post usum balnei absolutum protrahitur. Imo nota sunt exempla eorum, qui domum jam reversi per tres menses purpurati manserunt, & quibus hæc cutis efflorescentiæ tribus vicibus inter hoc tempus redierunt, & sponte sua temperato regimine habito, cum euphoria etiam decesserunt. De reliquo operatio earum ut lenium satis leniter sensimque, sed secure certeque procedit.

XIV. Alioquin nostræ temperatæ thermæ ferme omnibus temperamentis, cujuscunque fere ætatis, sexus, atque conditionis sint, convenientes

atque maxime sunt & acceptæ, conferunt medenturve affectibus chronicis itidem & acutis, calidis sic dictis ac frigidis &c. Nimirum refrigerant transpiratione, quam movent, & poros aperiunt, rarefaciunt partes sulphureas, calidas temperant, ejiciunt, relictis terreis aqueis frigidioribus vel ebullitionem & obstructionem tollunt; calore vero suo frigidos solvent, resolvunt, ut in auras abeant, superflue humidæ partes, fibras & roborant ut se contrahant, promoveant, neque superfluum quid iterum admittant. Sic ea vero humectant corpora, dum aquæ copia & mora sua partes diluunt, humectant, emolliunt, & humores crassos colliquant. Galenus Lib. de marasmo & Lib. III. de offic. Med. simile annotavit de balneis & Hipp. L. de affect. circa finem ut notum est, alias frigida quandoque calorem revocare (cutem refrigerando, contrahendo, effluvia calida ut retineantur,) & quædam calefacere per se, per accidens vero refrigerare (v. g. camphora, sp. vini, opium) & quædam per se refrigerare, per accidens calefacere (ut aqua frigida, acetum.) Verum enim vero si exacta ac strictiori æstimatione hoc ipsum perpendamus, in genere dicendum est, omnes thermas manifeste calidas balneo præsertim adhibitas subjectis humidis & frigidis, serosis, laxioris habitus, foeminis magis convenire, morbis quoque frigidis & humidis; calidis jam existentibus vero minus ut febribus ardentibus & inflammationibus &c. ubi vero morbus talis nondum factus, sed in fieri adhuc & ubi dispositio saltem adest, &c. thermæ utique concedi poterunt, ita sentiente Baccio L. III. p. 131. experientiaque comprobante.

XV. Priusquam hinc abeamus, differentiam quoad operationem & effectus, quæ duobus his fontibus intercedit, seorsim & explicatius illustrabimus. Equidem maxima ex parte inter se conveniunt, differunt tamen, si exacta pensitatione æstimantur. Nimirum minus calefaciunt, Schafgotschianæ thermæ, magis emolliunt, magisque resolvunt, atque abstergunt, adeoque in ulceribus iisdemq; malignis & contumacioribus & scabie atque catarrhis & similibus obnoxliis magis prosunt, cachexiam, tumores quoque duros magis sanant, avertunt, præcavent, resolutionibus, contusionibus, immobilitatibus, tremori, obstructionibus, in fluidi nervei impedito ad partes defluxu &c. magis sunt utiles; in dyspnœa, asthma hypochondriaco malo & melancholia hypochondriaca (potæ) certiore præstant usum, excretiones omnes cutaneæ ex illarum usu magis proveniunt, plus alvum laxant & diuresin augent; attamen quadantenus ventriculum debilitant & appetitum destruuunt, citiusq; suas vires perdunt. Alteræ potæ si in ventriculo vel ejus orificio bibentis aliqua saltem acris vel biliosa materia hæreat, excitant magis gravitatem & dolorem ventriculi & capitis cum inflatione abdominis citra frequentiores alvi dejectionem. Cumque calidiores sint frigidioribus sic dictis subjectis, mulieribus frigidioribusque ac humidioribus magis affe-

Quibus quadrant externo usu commendata, magis afficiunt, penetrant, imprimuntque contenta, atque roborant, condensant, leniunt, siccant magis, quare morbi ex laxitate partium, uteri &c. nati facilius restitutionem nanciscuntur & fluxiones pertinaciores atque rheumatismos, scapularum, spinæ, coxendicis, juncturarum manuum & pedum validius abigunt conferuntque magis podagricis, gravidis, fluxui mensium nimio aliisque fluoribus obnoxiiis & accidentia, capitis dolorem, gravedines &c. concepta ex usu forte fontis Schafgotschiani his curantur.

CAP. IV.

Usum specialem Thermarum Hirschbergensium tradit.

§. I. **J**ACTIS jam fundamentis ad usum thermarum nostrarum devenimus, ut specialius hunc penum instruamus. Habent utique thermæ suos insignes & varios usus, tum medicos, tum medico-politicos (ut mere politicos taceam) ut scilicet v. gr. sæpe immorigeri ægri domi præcepta Medicorum negligentes, aut fastidientes, suo genio ex consuetudine domestica indulgentes recepta universali observantia ibi locorum strictiori teneantur, quo sæpe miratus sum ægros vix 20 vel 30 guttulas tincturæ aut dr. ß pulveris alias assumere negantes in thermis tantam copiam aquarum thermarum bibisse. Ut porro animus in ejusmodi amœnis gratisque diverticulis a seriis, curis, negotiis gravioribus, concatenatisque laboribus & domesticis occupationibus ad tempus quoddam abstrahatur, pacatus & tranquillius reddatur, novitate & mutatione loci, jucundo convictu & hilari familiaritate, amica & læta conversatione, quæ in ejusmodi consuetudine eminent colloquiis amicorum & variorum peregrinorum recreetur; hoc pacto enim mire animus roboratur & erigitur, excitatur, & hinc sanguinem & humores temperate movendo & spiritus excitando, non adeo facile morbos admittit, vel citius ejicit. Non facile dictum est, quantum faciat hilaris animus ad prolongandam vitam atque sanitatem conservandam amissamque restituendam, imo ad promptiorem remediorum operationem. Qualis enim animus est, talis spirituum motus, talis motus cordis & arteriarum, tonusque partium, talis circulatio; & qualis circulatio, talis est sanitas. Scite in hanc sententiam scribit Bardus in Med. Polit. p. 310. Cor lætum benefacit medicinæ; tunc enim medicamentum proficit & juvat, dum alacri animo est, qui illud accipit. In præfens notatur, quod Menedemus Philos. apud Laert. L. II. 133. dicatur Φιλοπόδοχος exinde, quod ad loci insalubritatem vel evitandam, vel minuendam frequentius

inter amicos, hospitesque in conviviis exhilaraverit animum, (quo corpus quoque sustinetur) & quod Romani olim & Byzantini inter summa deliciarum genera peregrinationes retulerint. His & jungitur eximius usus motionis corporis, mutationis aëris, victus, consuetudinis &c. Quantum illa omnia ad sanitatem conservandam, præcavendos morbos, & præsentēs fere omnes chronicos atque rebelles immorigeros conferant, nemo non novit, aërem enim (quem occultum vitæ pabulum Veteres jamdudum esse dixerunt, & recte quidem dixerunt:) istis in locis, ubi thermæ habentur, longe alio salubriorem esse, constat, & quæ sunt alia, non longius jam recensenda.

II. Sed ad Spartam nostram, quam tuendam suscepimus. Equidem usus primarius thermarum Hirschbergenſium, (ut cæterarum quoque) olim duntaxat externus atque balneum fuit; verum etiam illarum internus sive potus etiam æque probatur. Crato a Krafftheim uti legere est in Epistol. med. p. 251. suo tempore frequentissimum eum vidit atque commendavit, hodie is magis iterum negligitur; balneum usitatissimum est multifariis commoditatibus plurimis commendabile. Quocunq; etiam alio modo adhibeantur salutare sunt, imo solus earum vapor utilitate sua non destituitur. Quamvis hoc fatendum sit, quod ob longe forte minorem, quam continent, salis partem aliis, v. gr. Carolinis quoad potum non æquiparandæ sint, purgant tamen æque sine notabili corporis perturbatione atque debilitatione minori longe quantitate ac Carolinæ, siquidem unus saltem alterque haustus alvum pluries movet ac non raro vomitum creat, & licet per plures sæpe dies istæ operationes instituuntur, quod omnibus thermalibus aquis commune est, & in hoc mirabile quoddam præ omnibus aliis pharmacis evacuantibus habent, utpote quæ sub purgatione & sudatione quam efficiunt, vires simul notabiliter perdunt cum ventris torminibus, anxietatibus circa præcordia imprimis siti, fastidio ciborum, vertigine, lassitudine & quandoque animi deliquio, aliisque sat gravioribus symptomatibus. Nec non urinam potenter cient, & sudorem quoque simul movent. Utrumque remedium balneum scilicet & potus in usum duci convenit, ubi viscidum, pituitosum, glutinosum, crassum firmiter plicis & parietibus ventriculi & intestinorum impactum, imprimis est resolvendum emolliendumque & educendum, acidum temperandum, & mineræ morbosæ intimiores circa membranas & nervos &c. hærentes tollendæ & ubi pertinacissimi & abstrusiores affectus & frigidiores sic dicti subsunt, vel ubi hæc vel illa pars affecta majori remedio præ reliquis opus habet, ubi & affectus & pars affecta majorem vim ac impetum celerioremq; operationem exposcunt atque ubi majori energia citiorique penetratione opus ascensus ex puteis thermalibus cum scaturientibus aquis, (das Aufquellen) jungendus ac stillidium quoque in auxilium vocandum.

Ili. Proximum jam est, ut thermarum nostrarum multiplici experientia non per unius saltem seculi decursum in morbis corporis humani adeo in numeris probatum usum, & ex universalibus adductis colligendum fusius tradamus. Sc. diligenti & quotidiana fere annotatione constat, quod nullum prope morborum genus sit quod in medicatis nostris aquis suum remedium non inveniat, atque quod præsertim virtus illarum optime se manifestet rite exhibitarum in omnibus morbis diuturnis, chronicis & pertinacibus, & qui lyfi maxime solvuntur, pnevmatosi læsa, chylosi læsa & inde natis cruditatibus & humoribus corruptis, acidis, salinis, tartareis, biliosis, viscidis, & inde dependentibus stagnationibus & obstructionibus, viscerum infarctu, humorum decubitu illorumque impuritate nec non a tono fibrarum læso oriundis, aut ubi fibræ sunt tensæ, rigidæ, contractæ, in motibus spasmodicis, doloribus, tremoribus, impotentia motus &c. In specie dicendum est eas conferre in omnibus affectibus capitis, sive teropathici & a causa ut dicunt frigida sint, si vero idiopathici & inveterati, plurima ex parte non tam certe non tam facile opem ferre. Tumque miros præstant effectus in vertigine, cephalalgis vigiliis immodicis affectibus soporosis (in declinatione præsertim) memoriæ debilitate, stupore, resolutione, contractura, paralyti, paræsi, &c. Utile quoque est balneum post perpeffos melancholiæ paroxysmos item in oculorum affectibus multis, doloribus, visus hebetudine, fistula lacrymali & gutta serena aurium susurro, tinnitu, gravianditu, surditate humiditate superflua, apostemate, dentium gingivarum affectibus, qui fiunt ex condensatis crassisque humoribus & acrimonia. Observatumque etiam est: restitutum inde fuisse gustum atque olfactum abolitum, & loquelam amissam. Conducunt porro in dispnoea, asthma humido, extra paroxysmum, tussi ferina similibusque affectibus pulmonum, si sint a simplici stagnatione, perfrigeratione pressione, infarctu & per consensum hypochondriorum, phthisi incipiente, & exulceratione pulmonum superficialia quæ non est exedens aut putrefactiva, pulmonum scirrhus nondum inveterato, nec non palpitatione cordis, incubo (potæ.) Juvant affectus ventriculi & intestinorum viscerum dyspepsiam, cibi fastidium lienteriam, coeliacam passionem, diarrhoeam, dysenteriam, vomitum, choleram in declinatione (balneo) revellendo humores, glandulas salivales & gastricas sollicitando & influxum spirituum concitando. Tenesmus, tonum ventriculi adstrictum solvunt, si bibuntur, laxatum firmant, tormina ventris & colicam flatulentam, pituitosam imo & spasmodicam sedant, flatus discutunt singultum sistunt intus extusque exhibitæ. Crato a Kraftheim Epist. med. p. 250. Vratislaviensem quendam civem primarium multo tempore colicis & articulorum doloribus diu excruciatum præter spem ex potu thermarum convalescere vidit. Potæ & in alvi segnitie & iliaca

passione, in incipiente hydrope, ejusque speciebus in anasarca leu cophlegmatiâ præsertim æque ac in balneo suadentur. Item in malo hypochondriaco & scorbuto, quia temperant, diluunt, demulcent M. Sangv. saliaque abstergunt eaque per debita emunctoria educunt, optimæ sunt. Nec est quod in calido, ut ajunt, scorbuto eas metuas, ut quidem quidam scrupulum movent, quoniam moderate sat agunt, neque adeo debito modo usurpatæ nimis calefaciunt, exsiccant, liquidas partes necessarias absumunt, neque salia scorbutica magis exaltant. Aliæ quoque tales temperatæ thermæ ut empsenses & tœpliceses in hoc morbo innoxia sunt expertæ. Hic mihi temperare non possum recensere historiam de viro quodam Ministerio ecclesiastico in Lusatia constituto hypochondriaco scorbutico, a me notatam, cujus post quam per 2 septimanas thermis nostris usus esset, extrema digitorum, manuum pedumque, præsertim ungues nigro ad instar atramenti colore obducebantur, qui post 3. septimanas demum ex continuato balneo usu sensim decessit. Adhæc in febribus intermittentibus diuturnis, quartana præsertim, & ephemeris (cæteris paribus) non modo indeclinatione, sed & in principio & statu, (nam tales curant æq; ac præservant) iis præsertim quæ a transpiratione sunt impedita, vel si secundariæ illæ sunt, v. g. a scabie retrocessa &c. conceduntur. Commendantur illarum potus in pathematibus, febribus ex præpostero chinæ chinæ vel adstringentium usu supervenientibus, ubi exinde hectica & hydrops imminent &c. Galenum idem sentire in genere de balneis calidis, patet ex l. ad Glauconem & L. V. de sanit. tuend. adducitque, quosdam, balneo sine quotidie febricitasse: Siquidem & ego novi potu illarum febre tertiana continua & lenta varios liberatos esse. Nihilque vetat balneum adhibere in metu inflammationum, erysipelatis &c. (præservandi & roborandi, transpirationem promovendi fini) in inflammationibus quibusvis internis & externis desinentibus, v. g. pleuritide, peripneumonia, tunc enim suppurationem maturat, dolores mitigat, solvit, educit. Herniam intestinalem non adeo inveteratam & repositam in sede fixmant sine dubio juxta alias doctes quas afferunt leniter constringente firmanteque sua virtute peritonæum in pristinum suum statum reducente; flatuosam autem discutunt, & singulas consolidant; quibus in casibus fons Præposituræ præfertur. Hæmorrhoidum fluxum nimium compescunt, hæmorrhoides vero coecas aperiunt hæmorrhagias sistunt maxime potæ, quo, & vermes necant, educuntque. Scirrhum hepatis, lienis, aliorum viscerum & glandularum & vasorum & obstructionem imo & nervorum resolvunt aperiunt, secretionem humorum per suas glandulas adjuvant rarefaciendo humores, partesque laxando, indeque natum icterum flavum, nigrum, curant. Renum, ureterum, vesicæ dolores, a calculo nimirum oriundos omnium immanis-

fimos demulcent ac sistunt exulcerationes, excoriationes tumores, læsionesque alias harum partium sanant quo nomine nostræ non inferiores sunt aquis ferratis in Tuscia, quæ vesicariæ ea propter nominatæ sunt. Utinam proliciunt, poros aperiendo, aliasq; suppressiones humorum excrementitiorum solvunt, saburram viscidam, tartaream, destruunt calculorum, sabulorum, renum & vesicæ educationum promovent, atque expellunt, imprimis intus sumtæ, si nimirum non sint nimis grandes calculi & per multos annos jam non cum illis luctati sint ægri, & ubi in fieri magis sint, & in vas tartarus ille adhuc fluctuet fluidus, & inflammationem insequentem præcavent. Curant præsertim Abbatiz thermæ diabetem, incontinentiam, difficultatem, ardorem urinæ (imprimis puerperarum) mictionem cruentam & purulentam. Uterum sanant, meatus illius recludunt, impuritates humiditates extergunt, fovent resiccant, roborant imbecillem, tumores ejus emolliunt, resolvunt, mensium obstructioni (tum emolliendo vias, tum fluxiles reddendo humores, & excitando.) Sterilitati mulierum & impotentiz virorum subveniunt ac venerem languidam in utroque sexu instaurant, priapismum vero corrigunt, ulcera prostatica, sanant, læsionibus aliis pudendorum, rimis & prolapsui uteri & intestini recti infessu inserviunt. Balneum præcaveat abortum, partum in iis, quæ alias cruciatu & labore gravi pariunt (circa instans tempus adhibitum, foetus mortui & molæ exclusionem faciliat, menses superfluos & inordinatos, fluores albos mulierum, pallidos & discoloros ac genituræ involuntariam emissionem in viris, maxime Præposituræ fontis compescit, uteri suffocationem atque hystericam passionem, ut & potus avertit, ac furorem uterinum componit. Prosumt thermæ in obesitate minuenda & impedienda si diutius & largos usque sudores illarum usus protrahatur, succum nutritium evacuando, robur addunt fibris laxatis, illudque restitunt. Fovent refrigeratos nervos & tendines, ex indeque dolentes perniones, dolores artuum etiam ex lue venerea residuos, sistunt & corrigunt, & a mercurio forte in corpore restitante vitia alia inducta emendant, idque ob sulphur præsertim quod mercurium ligat: quinimo sub sine lue venereæ permittuntur. Quoniam evacuatoria omnia aperta nostrarum thermarum usus servat, excrementitios accumulatos humores variz indolis educit & obstructiones salium genetrices potenter resolvit, calore pariter blande demulcet & roborat. Catarrhos, rheumatismos in quibusvis corporis partibus & fluxiones ad scapulas præcipue, spinam dorsi, juncturas manuum & pedum, malum ischiadicum & arthritidem maxime fixam podagram si ex imbecillitate partium collecta materia articulis sit impacta, tutius certiusque quam ex defluxione vaga volatiliori, si non adeo inveteratum sit malum & ad senectutem usq; productum, vel hereditarium, vel ubi callum & nodos non apposuerit majores, bal-

neum maxime sanat & viciosum tendinosum & nervosis partibus altius insidens humidum peccans discutit & dissipat omnibus ideo morbis spasmodicis utile & aptum, quanquam etiam potus hos dolores aufert. Consulto itaque utrumque in usum in his casibus ducatur, & potus præmittatur, ut materia peccans per vomitum, alvum & urinam ejiciatur, & dein balneo debilia membrarum roborentur. In ipso tamen paroxysmo & in principio horum morborum minus idoneum est. Egregiæ utræque quoque sunt thermæ in podagra in corpus retrocessa. Enervatis, refrigeratis & debilitatis, paralyticis, resolutis, tremantibus, convulsis, contractis & spasmis crispatis, duris, inertibus, claudis, nutritione depravata & impedita & tabe & atrophia marcescentibus & ex succis membris ex planandis ex contusione, ictu, casu, fractura, luxatione articulorum (tum emolliendo, tum roborando nervosas partes) defatigatis item (hinc juvenes olim Romani in palæstris fatigati se mox in thermas illis ordinario junctas recipiebant, ut suas inibi vires pristinas recuperarent,) ut & ambustis callosis balneum egregie subvenit. Hæ in his casibus gravioribus præ omnibus aliis balneis vobis notis palmarum præcipiunt, adeo ut ad nostras artuum articulorumque affectibus eapti ad ultimum quasi alyum ob tot felices quos in iis percurandis edere solent effectus longe lateque notos confugiant. Apprime etiam illud (balneum) utile est post morbos chronicos diuturnos perpeffos. Tumores duros, flatulentos, oedematosos pedum &c. & ab erysipellate, podagra potu aquarum &c. provenientes & tophos articulorum strumasque sic emolliunt, attenuant, resolvunt & varices auferunt. Abscessus, exulcerationes & apostemata omnia non solum externa, sed & intus collecta in capite, pectore, hepate, renibus, utero &c. maturant, emolliunt, aperiunt & per proximas & expeditas naturæ vias repurgant, imprimis Schafgotschianæ extus quidem adhibita. Sanguinem congruatum in interioribus & læsione partium (Verbrechen) resolvunt, læsionesque ipsas atque adeo nervosarum partium persanant atque complacant. Vulnera, fistulas & ulcera brachiorum & crurum, abdominis reliquarumque partium inveterata, callosa, maligna, cancerosa, rebellia, fluida & corrosiva & male curata gangrænam, cariem ossium, spinam ventosam, rhachitidem non adeo inveteratam sanant, affluxum ulteriorem inhibent, acidum ichorosum domant, carnem sphacelatam & putridam separant, novamque renascere faciunt, fibras nerveas roborant, latera glutinant, cicatricem inducunt. Vulnera jam dudum, sed non rite sanata, aperiunt, laniem & globulos, festucas, frustula ossium fractorum aliaque profunde, hærentia sanationem impediencia, eliciunt. Conveniunt fracturis calli inductione egentibus; Commendantur etiam ad vulnera a telo, globulo venenato &c. illata, ad morsus venenatos animalium, venena assumpta (pellendo per circulationem ad exteriora.) Imo in morbis ab in-



cantationibus nostræ thermæ a nonnullis laudantur. Omnes fœdos virginum colores auferunt, omnesque maculas cutaneas varii generis, diversæque indolis scorbuticas & vitia alia, quales sunt impetigo, vitiligo, verrucæ, herpes miliaris, serpigo pinguis, lychenes, scabiës foeda, humida, lepra, pruritus, item variarum partium, phthiriasin, foetorem alarum & pedum abstergunt & corrigunt, ac discutiunt humores in poris cutaneis hærentes sic & unguum vitia scabritiem, emendant, suffusiones dissipant, membris lividis colorem naturalem restituunt, sanguinem aliqua in parte coagulatum, stagnantem resolvunt, cuti nitorem inducunt, & cosmetici vices implent. Insuper quandoque a recte valentibus adhibitum balneum sanitatem integram diu servat atque longævitatem conciliat, siquidem balnea etiam simplicia quandoque atque debito modo adhibita præcipuum medium ad senium retardandum & propagandam vitam æstimo, quoniam per ea fibrarum & membranarum nimia ariditas & exsiccatio, soliditas & durities atque canalium angustia, quæ crescentæ ætate inducuntur & secretiones & excretiones debitas influxumque liquidorum laudatissimorum ad motum ac nutritionem necessariorum impediunt & circulationi humorum obicem ponunt, sicque vires subinde absumunt mortemque naturalem inferunt, emolitione avertuntur & præcaventur. Si vero balnea simplicia hoc egregium emolumentum addunt majorem adhuc nostra ejusmodi præstabunt, quemadmodum sunt temperata ac blanda omnibusque hominibus qualis etiam sint constitutionis convenientia, & quia egregie emolliunt & partes solidas ita disponunt, ne fluidis circulantibus impedimento sint atque commodâ memorata melius expediunt.

IV. Juxta hos primarios & universales usus balneum nempe & potum alios quoque eosque particulares, secundarios magis thermæ obtinent. Nimirum quandoque & loco fomentorum adhibetur aqua thermalis. Sic incolæ quando oculorum vitiis, hebetudine suffusione multisque aliis imo inflammatione laborant, eos illa cum laudata euphoria fomentant, sed oculi clausi tunc teneantur, ne forte vapores sulphurei molestiam creant, externe vero sic admotæ aquæ thermæ egregie discutiunt. Hoc modo adhibitis in foemina quadam fistulam lacrymalem feliciter sanatam esse scio. In nares etiam adtrahi possunt aquæ thermæ pro abigenda ozæna, & restituendo odoratu amisso &c. In hydrocephalo egregiam tulisse illas externe sic usurpatas opem constat. In Maniacis item capitiluvia ex thermali aqua adornata proficua experta sunt. Hæc vicini Poloni contra morbum suum endemium, plicam polonicam cum successu adhibere solent. Nec dubium est, quin & in aliis capitis vitis locum inveniant iis præsertim qui in memoriam revocare vellent, quantas morborum curationes solis capitis lotionibus Georgius Anwaldus a quo panacea anwal-

dina procedit, instituerit. Delutatione, fatus specie, multis in thermis apud nos pariter ac apud veteres teste Plinio usitata, hoc tantum referam, quod & ex nostris adhiberi posset. Nam ille qui Schafgotschianus audit fons sat copiosum lutum ejusmodi concedit, neque contemnendos effectus exinde esse sperandos in nervis, articulis, artubus graviter affectis &c. omni asseveratione affirmo. Stillicidium quoque illorum auxiliorum genus est, Græcis olim usitatissimum quod & magnarum virium esse deprædicat Galenus 13. method. med. l. c. ult. Huic ad majorem penetrationem membra indurata, resoluta contracta, insensibilia, immobilia & tumoribus duris frigidis & abscessibus oblecta caput, aures, collum, humeri hypochondria, pedes morbis frigidis seu humidis, quos vocant vitiati subjiciuntur. In linguæ paralyti idem efficacissimum est deprehensum. Præsertim clysteres ex illa aqua imprimis ex Coenobii fonte haulta, parati haud spernendum usum, & quandoque majorem quam potus præstant in hydrope præsertim, colica, calculi dolore, iliaca passione. Si os frequenter aqua thermali colluitur, gingivarum vitiis ac tumoribus, illis erosio & ulceribus medetur, illas firmat, foetorem oris corrigit. Gargarisatio cum ea, tumores tonsillarum & anginam tollit. Si calidæ auribus, instillantur dolores earum sedant. Maximi tandem usus pediluvia sunt, quæ non solum juxta insessum in pedum ut tumoribus ædematosi &c. affectibus, sed & in aliarum superiorum partium corporis morbis fere quibusvis, capitis præsertim, in omnibus doloribus, vertigine, melancholia, mania, somno turbulento & vigiliis immodicis, admodum conducibilia sunt, quoniam sanguinem in pedibus lente circumferentem diluunt, in circulum pristinum & debitum concitant ac cutem laxant, quo simul efficiunt ut sanguis atque humores ab aliis partibus in has laxatas magis affluant, illæ vero ab onere liberentur; Nec non adúlcerata & fistulas interiores intestini recti &c. magno cum emolumento per siphones injiciuntur aquæ thermæles.

V. Novum invitat de potu argumentum: an etiam thermæ inter pastum convenient potæ & an e re sit, cibos illarum aquis coquere & juscula sorbilia atque cerevisiam exinde parare. Damnat ejusmodi usus imprimis Baccius l. c. & Panarolus Pentec. III. p. 105. At ut ut omnem inter pastum illarum usum & juscula exinde certa jam non longius probare volo; novi tamen colica, cardialgia, inappetentia, bradypepsia, tono deperdito, laxato & similibus ventriculi & intestinorum vitiis affectis, tunc potas calidas optime contulisse. Potantur & eundem in finem optimo cum successu quoque aquæ Bathonienses in Anglia Guidotto referente p. 268. acidulis alibi incoquantur cibi, quæ etiam carnem coctam tingunt.

VI. Quod modum adhibendi spectat ut felix faustusque sit eventus, sequentia sunt tenenda. Nam omnia Medicorum præsidia per se & sola ni-

hil sunt, nisi recte habeant utentem, quando demum ea veluti Deorum manus recte dixeris, ut Herophilus Dogmaticorum Medicorum doctissimus dixit. Ante omnia salutem, suam desiderans Summum in coelis Numen devotis precibus exoret, ut divino suo favore adspirando suam gratiam & benedictionem largiatur ac addat, a qua omnis salus unice expectanda; dein experti & prudentis Medici opera in consilium vocanda erit, ut præhabita exquisita notitia thermarum simulæque utentis constitutionis & conditionis, ætatis, sexus, virium, consuetudinis, causarum, partium affectarum, tempestatum anni, victus vivendique rationem habeat, utpote quæ remedium effectus alterare & variare solent, ut præterita commemoret præsentia dirigat, ac moderetur, futura avertat, & prospiciat & expendat; si affectus urgeant, si aliqua minus consentiant, a noxiis tueatur. Hoc namque omnibus propemodum remediis commune est, ut non in omnibus subiectis & eodem morbo laborantibus eadem operatio, idemque sit effectus atque eventus, exinde quod humorum temperies valde discrepent & quod habeant temperamenta, imo individua suos mores, morbos & peculiarem ad hunc vel illum motum suscipiendum proclivitatem. Nam generales vulgares regulæ a diversis Medicis circa thermarum usum præscriptæ & in thermologiis suis consignatæ ingenere & saltem late sunt accipiendæ: hinc adeo multa videntur tristia exempla in thermis, quæ de noxa exinde secuta sat superque testantur; thermæ vero tunc insontes perverse accusantur. Inanis certe tibi erit usus thermarum, si non omnino nocivus, si regimen debitum & administrationem juxta leges prudentiæ & artis institutum non observes.

VII. Præsertim corpus bene præparandum est: Summa vero præparationis consistit in eo, ut ab excrementitiis, vitiosis & exuberantibus humoribus per alvum laxantibus & lubricantibus lenioribus, salibus deterfivis &c. junctis, interdum clysteribus pro re nata etiam vomitoriis blandis & diureticis salinis, præsertim fixis & volatilibus &c. corpora liberentur & educantur illa, quæ debent educi, ne abundantia & impuritas humorum aquarum operationem impediatur, distrahat, frustretur, commotæ varias turbas excitent, difficiliorem transitum reddant, & simul cum iis ad M. S. transeant, docente id Cl. Sennerto, de febb. Hung. p. m. 551. sequentibus Ji, qui pravis scatent humoribus. quicquid cibi, aut medicamenti assumitur, corrumpitur, evacuandi sunt, antequam alexipharmacum exhibeas. Quod imprimis de thermarum usu valet, ut (cum ea quæ thermas, simul purgationem indicent, & v. v.) sc. obstructions tollantur & lubricentur, purgentur, evacuentur & sic expeditæ reddantur viæ, per quas thermæ operationes exequi debeant. Præmittantur his digestiva, aperientia ex martialibus tartareis amaris salinis, terreo-salinis, aromaticis &c. (ut purgatio eo melius suc-

cedat) iteratis etiam vicibus. Imprimis præparatio hæc magis necessaria est iis, qui balneum ineunt, quam illis, qui potum eligunt, cum potus quandoque vi sua deterfioria & purgante neglectam purgationem suppleat, balneum vero non item, movet quidem, sed non promovet & confundit, subtiliores partes educit, crassas aut intactas relinquit, aut subtilioribus discussis magis increffat, figit, impingit, exinde obstructions, vigilæ diuturnæ, anxietates, capitis dolores, tormina ventris, catarrhi, febres, ulcera, exanthemata, urinæ ardor & obstructio, icterus, apoplexia, alvus adstricta, passio hysterica & similia mala enasci possunt. Ast caveant sibi omnes a vulgaribus & drastice purgationibus, resinosis, præsertim potaturi. Nocentissimum enim imprimis est interno aquarum thermalium usui purgantia fortiora præmittere: nam valida illorum operatione in fibras teneras tonus ventriculi & intestinorum maxime destruitur, tunicæ illorum glandulosæ & crusta villosa per quam omne humidum abit in vasa lactea ulterius promovendum constringuntur, eroduntur penitusque perduntur. Hinc quando dein aquæ potantur nec bene per alvum neque per urinam transire possunt, sed retentæ maximas anxietates aliaque mala pariunt. Si plethora adsit onerosa, altero die ab assumpto laxante sanguis vena extrahatur V. S. icne, vel vicaria scarificatione, maxime in illis ætatis vegetæ, & qui plenius vivunt, vitam sedentariam agunt, vel quibus obstruitur hæmorrhoidum & mensium fluxus &c. vel qui illi adsueti sunt: ne rarefactione forte humorum subsequente ruptiones, hæmorrhagiæ, graves febres aliaque multa incommoda producantur. In plethoricis enim calidæ aquæ potæ difficulter per debita emunctoria ob difficilem jam dum humorum circuitum secedunt. Insuper experientia præter alia constat, phthisicos speciatim propemodum thermas bene ferre sanguine prius ventilato. His namque præmissis omnia generatim tunc feliciter succedunt.

VIII. Advenæ ergo unum alterumque diem ex itinere fatigatum corpus curent, requiescant, ut alterna requie delassati reficiantur & pares sint curæ thermarum eo melius sustinendæ, & deinceps medicamenta debita præscripta adhibeant. Præparato sic corpore cura ipsa thermalis in nomine Dei est inchoanda. Igitur sive potaturus, sive balneaturus statim mane somno sufficienter peracto, alvo urinaque prius reddita & jejuno ventriculo per dimidiam vel integram horam prius placide, neque ad lassitudinem usque ad levem tamen incallescetiam maxime si habitior, musculosior, robustior, cute densiori præditus sit, obambulando, vel alia ratione & exercitio corpus moveat & fricet, quæ frictio in debilioribus, paralyticis, arthriticis &c. etiam loco exercitii erit, vel gestatio quoque in lectica, & si neque hæc fieri possint, commodum erit ante prandium aut coenam suppositorio ex melle tantum, vel sapore uti. Nimirum juxta Hippocratis L. II.

de diæta effatum Matutinæ ob ambulationes humores attenuant, caput alia que partes alleviant, alvi ac aliarum partium excretionem promovent. A meridie post prandium hora Vta vel VI digestionem sc. absoluta, ne chylus iusto citius exturbetur, confundatur, observatis, quæ modo diximus, balneum æque ac potus repeti potest. Namque lege moreque statutum est, ut semper duarum horarum ad balneum terminus maribus & foeminis alternis vicibus præfigatur, ita ut qui matutinis horis ineunt; vespertinis eundem repetant, imo vix ulla diei hora contingit, quin iterum sit ab aliquibus occupata. Balneaturi lente descendant atque primum per gradus sese immergant tandem ad mentum usque, ut therimas bene tolerare adsuescant. Insidentes primum non modo atolluntur natantes quasi, adeo ut cum renisu quodam se mergant sed & formicationis quasi sensum in inferioribus corporis partibus persentiscunt iisque primis diebus abdomen quasi comprimitur & constringitur & spinam versus valide contrahitur, quod vix in aliis thermis experitur & me iudice tam a mole ac pondere aquarum cunctem subjectos musculos cum vasis comprimente quam calore blando fibras demulcente, maxime vero a particulis activis atque divisis subtilissimis, spirituosiss, salinis, sulphureis in poros cutis se insinuantibus leniterque vellicantibus, ut fibræ leniter se constringant, deducendum. Hoc vulgo pro bono signo habetur atque tunc appetitus capiendi cibos mire augeatur; Si autem infletur & torminibus afficiatur, abdomen malum & balneum inutile futurum significat. Quidam sc. qui abundant humoribus acerbis, dumque ii promoventur & transeunt, in primo ingressu uri & rodi interius sentiunt, & deinde, inhorrescunt, (quod & alias experiuntur, quando in Sole stant, aut ambulant, aut fricantur, aut corpus exercent) qui horrores tamen continuato paulisper usu cessant, quod pro bono signo pariter habetur; indicat enim humores peccantes ad extra ferri tuncque æque augeatur cibi appetentia.

IX. Quamdiu in balneo commorandum, & utrum semel in die an bis balneum ineundum sit, tolerantia cujusvis & vires ægri, morbi & aliæ circumstantiæ & Medici prudentis consilium indicabunt, v. g. juniores consistentis ætatis, homines crassi, obesi, phlegmatici, robusti alias diutius frequentiusque senioribus balneum protrahant; cholericis, debiles, rarioris texturæ incipienti debiles & teneri longiorem evitent in balneo moram. Optimo ceterum consilio ad horam tantum dimidiam, vel integram primis diebus insideant, & semel tantum in die, dein & sequentibus per duas horas & iterata quoque vice balneum ingradientur, ut aquæ vis sensum irrepens in laxum corpus agat. Haud sine ratione alias vulgo dicitur tamdiu in balneis commorari debere, usque sudor promanare incipiat; indicat enim serosas superfluitates excerni. Balneo egressi & post embrocham summo studio ab aëre am-

biente frigido se muniant ne porientis ab eo occludantur, incommodaque varia inducantur, quæ alioquin deinceps non balneo quam aeris mutationi aut verius propriæ incuriæ adscribant & in tepidariis proxime adstructis linteis calidis abstergantur & indusiis calefactis; & vestibus commodis induantur, & refrigeratione sic bene omnique modo evitata domum se recipiant, fricentque membra imprimis resoluta, ad horam unam vel alteram in lecto decumbant, imprimis imbecilliores & dormiant, quiescant, transpirationem & lenem sudorem expectent atque permittant, ad quem ab ipsius lecti blando calore expansionem modicam ipsis humoribus procurante invitantur. Somnus enim & abstinencia post balneum digerunt, transpirationem promovent, protrahunt, humores motusque ex balneis humorum & spirituum irregulares forte exortos componunt. Qui & causa & signum erit per commodum speratæ utilitatis; Attamen plethorici post balneum potius ab eo abstineant at per breve tantum temporis spatium non tam in lecto quam sella, ac sedentes magis quam recubantes requiescant. Deinceps, usque ad prandium modice per semihoram circiter ambulent, demum, postquam corpus ad calorem temperatiorem & consuetum iterum se receperit. Quemadmodum enim nec ab assumpto cibo uti oportet balneo; sic neque mox a balneo cibo, potu imprimis frigido; Et cum quandoque balneum alvum adstrictam reddere, & sitim intendere soleat, multum bibant tam inter prandendum ac cœnandum, quam reliquo tempore, neque inconsultum erit, ut illæ molestiæ melius præcaveantur, ante balneum bibere. Insuper clystere emolliente & leniente alvus eluatur vel suppositorium applicetur, interque cibos & ante prandii cœnæque tempus laxantia, ut pruna damascena cocta, passulæ eum Tartari cremore & similia assumantur. Non facile iterum est determinandus certus dierum & horarum balneo impendendarum numerus, ratio circumstantiarum supra adductarum & commodorum, quæ æger consequitur, habenda est. In his enim balneum mox, in aliis serius operatur, adeoque longius alii, alii brevius expectunt tempus. Alias vulgo usque ad iv. hebdomades, extenditur cura, aliqui tamen tantum per xx. aut xxiv. dies balneum perferunt, & sic porro vel aliorum ad C. horas computatione; quamvis multi ad xl. l. lx. dies, vel cxxx. & cxl. horas sine detrimento terminum protrahant. Si ad summum terminus protractus fuerit, & salus sentiatur per aliquot dies consulto persiliendum est, dein iterum sensim desinant balneantes. Nec est, cur in vulgi opinionem discedamus, ac si semper tamdiu esset lavandum, donec cutis rubesceret, & corroderetur & usque dum iterum sanata & deterfa esset. Nam hæc cutis efflorescentia, quamvis ordinario insequatur non semper & in omnibus ex necessitate accidit, & non raro est signum omis-
sæ debitæ purgationis vel diætæ errorum demum commissorum, vel etiam

balnei longius justo protrahi, (cum potius tunc desistendum sit.) Si vero observatis observandis rubores, maculæ, exulcerationes cutis appareant, non temere tunc est a balneo statim desistendum. Si hæc diutius remaneant, domum præsertim reversi, decocto quodam calido ex vino & herba veronica flor. rosar. chamomill. sambuc. adjecto alumine tandem ad desiccandas illas abstergendasque partes purpuratas abluere possunt. Si forte quandoque balneantes ob aeris inclementiam ægre se habeant, adeo ut & per aliquot dierum intervallum balneum omittere necesse habeant: in illo nobis stat consilium, ut tunc clysteribus singulis diebus iteratis aquæ thermæales nihilominus tamen injiciantur, longiusque retineantur. Si æstus forte corporis insolitus, febris aut mensium fluxus in foeminis, aut hæmorrhoidalis in viris præsertim accedunt, per aliquot dies intermittendum est balneum æque ac potus.

X. Peculiare balnei genus est & thermis Hirschbergen sibus quasi proprium, quod in aliis non habetur & vulgo das, aufquællen vocatur. Hoc autem ita se habet, & in utraque scrobe institui potest: exhaustis nimirum penitus aquis balneaturi ad fundum usque descendunt & una cum scaturiente iterum aqua sensim adscendunt (aufquællen) de quo scire licet quod ut per duplo longius tempus in illis sedent, ita etiam adhuc plus simplici balneo balneantes hic ascensus afficiat ac conferat Spiritus enim atque vapores exorientes ac integri illius profundo arctiori scrobis spatio conclusi detentique magis sunt diutiusque sicci retinentur & siccum quasi balneum seu laconicum quoque efficiunt, ut duplicata quasi vix exoriatûr & fortius operetur. Quare non citius in usum trahatur nisi quis prius per aliquod tempus ordinario balneo adsueta factus fuerit, & bene illud ipsi convenire sentiat: nam non omnes, imprimis tenerioris & delicatæ constitutionis, item calidioris temperamenti, exsiccati, biliosi homines, præsertim foeminæ & quibus alias caput, ut ajunt, debile est, hoc balnei genus, quod adscensum vocant, perferre possunt.

XI. Potaturi mane statim priusquam quisquam infideat, vel ex fundo ex fonte Schafgottschiano præsertim (hic enim potus magis ob minorem bituminis quantitatem conveniens est) siphone extractam, & quantum fieri potest, aquam calidam adhuc ambulando in conclavi tepido, (ut melius moveatur, in actum deducatur & facilius distribuatur;) vel stando, aut sedendo continuatis diebus sorbillatim, sensimque & per vices spatio unius horæ hauriant. Quantitatem quotidie augeant, simulque operationem & perferentiam attendant, & si legitime omnia eveniant, per aliquot dies VI. VIII. &c. in eadem quantitate persistant. Incipiunt ordinario ab unciiis v. libra β ad i. semis, vel ij, usque dum aliquoties singulis diebus moveantur. Sensibiliores & teneriores, vasa habentes ampla, spasmodicis affectibus ob-

noxii uti minorem mensuram ita quoque brevius tempus exposcunt. Robustiores vero, crassiores, pingues, spissiores multosque humores habentes & fibras torpidiores, consistentisq; ætaris majorem mensuram, longioremq; terminum desiderant, & per illas aut III septimanas, quotidie optimo cum successu bibunt. Signum autem erit efficacis purgationis si talia dejectionentur, quæ debent dejecti pituita nimirum maxime crassa, si libere per alvum & vesicam transeant, si fiat cum euphoria & levamine. Sub potatio ne ut plurimum percipiunt blandum titillationis sensum per totum corpus ad extremas usque partes energix & penetrationis signum. Non facile interponatur balneum, ne operatio hæc forte impediatur, quod & in conveniens, Galenus ex comm. 4. aph. 5. comm. 5. in L. VI. Epid. tr. 29. jam agnovit, quamvis & sciam, in certis casibus potum in ipso balneo optimo cum fructu institutum fuisse, ita tamen ut per aliquot dies potus solus antecesserit; Si ambo indicentur potus præcedat balneum; Si vero a potu intumescant membra, tunc balneum per diem unum saltem aut duos adhibitum iterum diaphoresi discutit intumescentiam. Neque si primis diebus aqua pota vomitu forte rejiciatur, statim desistendum est, sed pergendum, quia deinceps melius operatur, meliusque plerumque se habent bibentes præsertim cum thermæ nostræ potæ maxime per vomitum operentur. Si primo aut secundo ad summum die restitent in corpore aquæ, neque per vomitum, alvum & urinam reddantur, tertio necessitas omnino exigit, ut convenienti remedio educantur; vulgo salina, liquescentia, stimulantia, diuretica, purgantia, vel prorenata emetica lenia exhibentur, & recte quidem exhibentur ut nimirum materia peccans a pota huc usque emollita atque attenuata, cum aqua certius atque facilius excernatur. Dantur tamen casus de quibus Medicus præsens judicet qui hanc regulam non sine exceptione esse patiuntur v. g. in calculosis, hypochondriacis, hysteriis, ejusmodique affectibus spasmodicis affectis, a spasmodica fibrarum ventriculi, intestinorum &c. contractione excretio impeditur: contra methodum sane quis faceret, qui fortiora ejusmodi stimulantia tunc adhiberet, cum potius antispasmodica &c. desiderentur. Si vero frequentius & continuatis diebus vomitus quoque accedat, clystere forte parum stimulante poterit divertere; sin minus, & si post v. vi. vii. dies aquæ fastidium, flatus, ructus, gravis abdominis tensio, fluctuantis hinc inde aquæ perceptio per sentiantur, medicamentis aliis appropriatis occurratur, stomachusque juvetur aromaticis, balsamicis & aliis ejusmodi stomachicis, siquæ hæc non succedant, penitus potius omittendus erit potus. Non vero te deterreat, si primis diebus acerbius paulo afficiaris, quod validioribus fere remediis commune est, v. g. dictante experientia decocta ex Guajaco, Sarsap. &c. exhibita in principio magis ægros affligunt, quam

in progressu; causa sine dubio est, quod primum validius operentur, attenuent &c. factisque tenuioribus fluidis humoribus pravis corpus perturbent, donec subacti penitus fuerint. Ubi postquam urina saturata colore & turbida hucusque excreta fuerit, aqua talis iterum per aliquot dies reddatur, qualis sumpta est, ulterius ab ejusmodi potu cæteris paribus abstinere licet. In potu ipso rite observeut leges huic debitas & quemadmodum post balneum requies, ita potius post potum ambulatio & lenis exercitatio per horam aut dimidiam confert, cum frictionibus linteis calidis per totum corpus institutis, ut circulus sanguinis liberior, liberiorque distributio, transitus, secretio & excretio humorum facilius feliciusque promoveatur, neque se statim aeri liberiori, frigidiori exponant sed potius in conclavi tepido ea instituantur. Quibus peractis decubitus in lecto per horam aut duas quoque conceditur, ut lenis sudor superveniat, qui dein linteis calidis bene abstergatur; arbitrorque iis, in quibus sudor difficilis sed utilis, haustum unum aut alterum quoque aquæ thermalis in ipso lecto convenire. Post aliquot, iv. v. aut vi. horarum spatium quantum ad reddendas aquas tinctas requiritur prandium assumatur. Post prandium iis, quibus aquæ potæ per alvum & vesicam rite redduntur, somnus quoque ad unam v. g. horam in sella tamen potius & erecto corpore sedendo magis, quam in lecto cubando concedi potest; sin minus, interdicens potius est, cum somnus excretiones illas retardet. Reliquum tempus inter honesta sodalium atque amicorum ac hilaria colloquia aut jucundas meditationes transigatur. Ante cœnam placida iterum ambulatio proderit: Quam male ideo illi sibi sanitatique consulant, comparet, qui per totum diei tempus inter ludendum defixi, immotique manent. A cœna consulto abstineant habitiores, obesiores æque potantes ac balneantes, post illam parcam tamen insomnium se componant, noctemque quietam sibi reddant, ut suavis fessos sopor erigat artus.

XII. Si instillandæ aquæ, (prius purgato quoque corpore, observatisque de balneo & potu dictis) in membra nuda affecta (caput rasum, imprimis circa futuras,) & paulatim aut pro re nata confertim aqua calida ex alto & impluvio velut quodam stillata ex colo, gutturnio, epistomio & simili decidat. Omnium commodissime, dum in ipsis thermis sedent, adornari potest, quo majori sc. vi, majorique impetu, motu nimirum magis aqua thermalis adjuta penetrat, lentos humores hærentes magis dividit, solvit, magisque intimiores obstructions reserat & tonum restaurat. In dies hoc stillicidium rursum augeatur, v. g. initio per unam, deinde per unam cum dimidia ad duas usq; horas & tamdiu, donec speratum auxilium accidat, cujus spes affulget, si æger ad partis affectæ penetralia penetrasse caliditatem aquæ sentiat, Inter instillandum solent præsertim etiam oculos

obtegumento munire. Finito illo singulis vicibus membrum detergeatur, calidis linteis beneque fricetur: Notandumque est, quod ut plurimum ægri tunc graves somno fiant, qui vero omni studio est interrumpendus; quare in Hetruria quibus aliisque Italiæ oris usitatissimum probatissimumque hoc auxilij genus est, in more positum est, ut conductæ mulieres in his locis illos stillicidio utentes canendo excitent. Post stillicidium maxime pars subjecta affecta bene obtegatur, calidaque servetur. Tempus commodissimum est matutinum & post hoc vespertinum. Reliqua se habent, ac in balneo & potu observanda qui stillicidium hoc præsertim in caput minus ferre possunt, ii, ut impetus leniatur spongia tegant caput, ac ad eam demum aquam thermalem ex alto effundant. Fomentatio commodissime adhibetur, si spongia illis imbuatur, vel linteamina & panni in illis made-fiant, calideque adhuc sic applicentur & bene obtegantur. Illutatio fieri potest, observatis observandis, quæ de balneo diximus, calida & vel cum ipso balneo, vel post balneum per aliquot dies VIII. X. vel XII. &c. potest etiam aliquoties in die mane & vesperi repeti. Pediluvia extra balnei horas quoque possunt parari præsertim vero ante lecti ingressum. Præstat imo necesse est, ut usque ad genua & supra quoque ea pedes iis immittantur & per horam cum dimidia adduas usque detineantur. Ante immersionem pedes fricare convenit, & post eam pedes linteis calidis abstergere aeremque frigidum arcere.

XIII. Utrum non prius desistendum, quam morbus ex toto sit sanatus, respondendum per distinctionem. Si æger sentiat viribus & naturæ thermas s. potas, s. balneo adhibitas convenire, morbum vero de die in diem minui, autor suavorque essem, pergat, donec desierit. Et si semper fructus felix non adeo sit manifestus, modo non desint vires, non tamen temere statim desistendum atque desperandum est. Nam experientia testis ac vindex est, multos per totum ipsius curæ tempus nihil levaminis nisi post plures demum menses perfensisse. Pauciores enim in magnis præsertim morbis experiuntur statim sensibilem & insignem utilitatem. Quinimo longa observatione compertum est, balneorum utilitatem longe firmiorem & certiorem esse, quæ non subito, sed interjecto aliquo temporis spatio, (de magnis affectibus, non de levioribus loquor) sentitur. Bono igitur esto animo, cum tempore interdum operantur thermæ, illarumque juvamen progressu temporis, Deo dante, senties. Quarundam enim (quod curiosum) thermarum certus terminus efficacix, est quod & de Thermis Carol. dicitur. Sic Baccius aliquas earum commemorat, non nisi post decursum anni desideratum effectum afferentes. Atque quandoquidem singulare illud videtur, thermas huic quidem semel profuisse; illi vero semel inutiles, secundo aut tertio anno fuisse utiles.

XIV. Optimum thermas adhibendi tempus & commodissimum est verum, æstivum & autumnale. Verum non est, cur existimes, thermarum usum, si occasio aliter non ferat, hyberno tempore esse nocivum, aut frustraneum. Nam hyeme æque viribus suis constant, (si non majoribus, cum frigus non sinat spiritus exhalare, ut sentit Morellus, de balneo Patavino tunc & videbis majores in illis vapores) ac quidem æstate. Ut hoc in passu temperies & clementia aeris potius, quam anni menses! spectandi. Perinde quoque acidulæ hyeme cum effectu potantur. Sic memini acidulas Schwalbacenses cum fructu exoptato potas fuisse hyeme, confirmat & hoc J. Th. Tabern. in Wasserichatz p. 176. & sq. Ridet secus opinantes Morellus, rident & omnes Medici experti; rident ægroti sanati. Ipse novi multos, qui alias æstate castra sequuntur, tempore hyemali thermas Carol. adlisse, expectatumque fructum reportasse, novi etiam adhuc plures ex incolis, qui nostras thermas ex experientia æque laudant hyemali tempore adhibitas. Nec video (salya Hippocratis auctoritate) cur ardente Syrio imprimis in his montium temperatioribus recessibus nocivæ sint futuræ; alias autem hoc non inficiari possumus, existente nimio Solis ardore vires nostras languidas esse, & spiritus animales resolutos nimis atque deperditos, quare natura humana non satis perferendo thermarum longiori usui sufficiens est. Quod vero æstate magis suadendum sit, statim comparet ratio, quod coelum tunc temperatum, aut etiam magis calidum, corporaque perspirabilia magis, & ne frigus, quod ægre sub ipso balnei usu in egressu præsertim devitari potest, (ut de aliis hyemis incommodis taceam :) noceat ac lædat.

XV. Fallunt autem admodum, aut fallentes incaute sequuntur, qui putant: thermas anno bis sextili, s. anno saturnino semper esse non modo inefficaces, sed & nocivas, quemadmodum vana æque opinio, & forsitan eo desumpta, tunc non esse plantandas arbores, quia minus felices fructus proferrent. Quis est, qui non statim, me non monente sentiat fucum? Hoc superstitionis genus a Romanis sine dubio ad nos pervenit, quibus bis sextum rebus romanis semper infaustum habitum est notante Marcellino Lib. XXVI. quod & in Medicinam est translatum, in qua numerus senarius & dies sextus infestissimus habetur. Nec est, quod adeo metuas, illas a sideribus quandoque corrumpi. Aliis exosæ sunt thermæ pariter ac acidulæ ob vapores arsenicales (communes atque familiares mineralium fere omnium) conjunctos. Non nescius sum, multa de multis exempla proflare. Sic de balneo aliquo in agro pisano Savanarola memorat, quod illud interdum morbosum sit, & quod tunc temporis aqua turbida & lutea fiat. De nostris vero thermis illud sine studio & odio necesse est, fatear, nunquam tale quid deprehensum fuisse. Inanes quoque simulatque rumores sunt, qui in hanc sen-

sentiam afferuntur, ac si ii, qui thermis usi fuissent, raro diu viverent, & quod inter tres annos plerumque moriantur, quod B. D. Michaelis quondam confidenter affirmavit, teste aurito V. A. Möllenbroccio de Varis p. 282. Affirmat & hoc F. Hoffm. L. II. M. M. c. 6. p. 445. Ast experientia nullam di-
ctis facit fidem, & si id eveniat, non tam thermis, quam vi morbi & illegitimæ
administrationi in felix ille successus potius erit adscribendus. Scitu hoc denuo
est necessarium, necesse esse, ut ex ipso statim fonte & in ipso adhibeantur, ubi
enim alio portata, frigefactæ & recoctæ fuerint debitum effectum æq; non e-
dant: (quod sulphureis & spirituosis thermis commune est, cum partes vola-
tiles avolent) uti quidem aqua Villensis & Aquarina, aquæ S. Cassiani, Porreta-
næ, Salsulæ, montis Catini, aquæ Scarburgenses quæ perferunt retinentque
suam naturam, atque virtutem ad plures septimanas, & quando jam foe-
tent. Attamen a Schweackfeldio de therm. Hirlchb. p. 78. annotatum est
peregre transportatam aquam nostram thermalem podagricis solatium attu-
lisse. Pariter irritum negotium suscipies, si illas arte chymica concentrare,
aut in essentiam, aut Q. E. redigere velles.

XVI. In præsens quæri adhuc oportet, annon usus thermarum medica-
mentis adjuvari possit, ut balneo, imprimis quidem medicamenta? Nam si in
egressu aut ingressu ejus exhibeantur, & in calidum & solutum ac bene ita
præparatum corpus perveniant, ea operationes suas & vires efficacius exe-
rere possunt. Pauca tantum sufficiunt, nam sola thermarum vis plerumq;
sufficit, (si modo sufficienter atque debite adhibeantur) cum remedium
farrago confortantium, stomachicorum cephalicorum, similiaque gloriose
sæpius ignorantie nomina frustranea magis adhuc externa linimenta pro
avertendis noxis ex balneo vana erunt. - Tantum abest epotas aquas tonum
ventriculi & intestinorum perdi, destrui, laxari, quin potius ipsa thermalis
aqua robur, tonumque justum fibræ conciliet. Ejusmodi vero in casu,
quando potarum aquarum non sufficienter aut segnius succedat per alvum
& urinam operatio, necessaria erunt idonea laxantia, diuretica, aperientia
&c. assumenda interponendaque. Ex quibus non excludenda veniunt dia-
phoretica a balneantibus quandoque assumenda, ut junctis his serum excre-
mentitium eo melius & impellente simul interno ex glandulis subcutaneis
& M. S. exturbetur, neque male agerent, si ante prandii & coenæ tempus,
vel inter cibos sal. vol. oleosum vel cum Sp. nitr. d. temperatum ess. absinth.
& similia stomachica assumerent. Ratione tamen id exemplisque notum
est, atque manifestum, cum ipso balneo non abs re esse & ante ingressum
ejus convenientia & specifica sic dicta pro morborum pertinacium & gra-
vissimorum conditione remedia propinare. Ipse scio medicamenta aperien-
tia, pellentia obstructionibus mensium dicata & in tumoribus, obesitate ni-
mia diuretica, tartarea, acida, solventia &c. in vitiis cutis sanguinem pu-

rificantia, in paralyticis consueta cum balneo adhibita egregiam opem tulisse, & sic de reliquis etiam sentiendum. Symptomata omnia, quæ interdum evenire solent, quorum frequentiora præsertim ex balneo & primaria sunt sitis, sudor nimius, catarrhi, alvi segnities, dolor & gravedo capitis, æstus, vigiliæ; ex potu vero præsertim ardor urinæ, dolor ardens circa scrobiculum cordis versus dorsum extensus &c. ex embrocatione dolor capitis, suffusiones, tinnitus aurium, vertigo &c. ad amissim recensere, & quibus illis occurrendum sit, definire, jam in me non recipiam, cum non vacet jam revocare animum ad incommodorum ejusmodi omnium memoriam: hæc enim provincia præsentī Medico potius est relinquenda.

XVII. Diætæ præ reliquis studendum, quæ fere hodie ubique in thermis negligitur. Aer igitur efflagitatur temperatus, qui ad calidum potius inclinet, & purus; vitentur frigidus, nebulosus, crassus, pluviosus, nimius Solis æstus & venti insalubres. Eligatur hypocæustum & cubiculum commodum & sanum; non humile illud sit, neq; humidum & foetidum Esculentorum & potulentorum regimen secundum, ægrorum conditionem & morbi & thermarum qualitatem &c. instituendum. Cibis vescantur thermis utentes boni succi, bonæq; notæ ac morbo convenientibus, evpeptis, evchymis, omnibus ad mediocritatem ac temperantiam ordinatis, Ideo absit crapula & ebrietas (communis certe in thermis vitia, mediis in aquis sitiunt exposcunt vinum.) Carnes eligant animalium juniorum, minorum avium & caponum, perdicum, phasianorum, &c. pisces in aquis limpidis & rivis inventos, truttas, fundulos, percas, lucios mullos &c. Ova sorbilia, juscula avenacea ex carne elixata bubula, gallinarum, aliaque similia, pultes ex avena, hordeo, amygd. d. oryza &c. pruna tosta, cerasa, poma cocta conducunt. Abstineant vero a viscidis, acidis, fumo induratis, butyro frixis, nimis salitis, nimisque aromatizatis, crassis, pinguibus, nauseosis, facileque corruptibilibus, fructibus horreis, flatulentis, fermentescibilibus, leguminosis, lacticiiniis. Pro potu utantur cerevisia bene defecata, non acore corrupta. Vinum bonæ notæ inter prandium aut cœnam assumptum moderata in quantitate præsertim aduets concedi potest; ii vero, qui nives, ut cum Plinio loquar, atque glaciem potant, poenasque montium in gulæ voluptates vertunt, i. e. gelidum potum amant, gravia certe experientur mala. Cæterum exacta semper instituatur relatio, exactumque moderamen inter cibum & potum. Victus tamen ad humidum, magis inclinet. Fumus tabaci non nisi moderate in aduets admittatur & omnia in genere dirigantur, prout subiecta, vires & affectus desiderant. Caveant sibi balneantes a somno nimio, vigiliis nimis, saltationibus, delassationibus, aliisque fortioribus corporis commotionibus, longiusque & in seramque noctem protrahis, sed moderate moveatur corpus. Primæ viæ servantur semper apertæ, habitus corporis perspirabilis.



bilis, & motus sanguinis naturalis. Exulet Venus, quæ cum Nymphis his male convenit. Animus liber sit a curis, sollicitudinibus, omnes perturbationes animi eliminentur, tristitia, timor, ira, impatientia. E contra omnem suavitatem ac hilaritatem procurent, & grato amicorum conventu & amœnis colloquiis indulgeant, ac bene de futura salute sperent, firmaque fruantur fiducia.

XVIII. Absoluta cura corpus iterum laxantibus erit purgandum. Nam uti purgando corpus præparatur, ita & finis curæ imponatur, ne reliquiarum tam humorum alteratorum, quam aquæ thermalis a potu quicquam supersit adhuc restitantis sed dissipetur, excernaturque. Ethnici olim recepta valetudine Diis suis fictis non modo grati animi indicio publica solvebant vota & gratiarum actiones coram universo populo, sed & ad perpetuam felicitatis recuperatæ memoriam tabulas votivas templorum Æsculapii maxime vel Isis vel Serapidis parietibus affigebant, iisque & morbum & remedium, inscribebant ut Tibullus habet L. Eleg. 3.

Nunc Dea nunc succurre mihi jam posse mederi

Picta docet templis multa tabella tuis.

Indignum Christianis esset Ethnicis pietate cedere, sed cura absoluta ante omnia vero Deo felicissimum successum adscribendo Ei dignas gratias exhibeant, & pro firmanda & conservanda incolumitate humillimis atque ardentibus precibus orent, & salutis suæ recuperatæ, aut spæi saltem conceptæ læto animo rationem habeant. Non statim iter suscipiant, verum ad posterum vel tertium diem discessum differant, maxime qui longo intervallo abfuerint, ut requiescant & vires recuperent, ut itineri perficiendo pares sint, ne permutatione tam subita aeris, cum sc. thermæ in corpus adhuc operentur, malum adveniat, imprimis si minus commoda cœli tempestas nebulosa, pluviosa, frigida incidat, (ex usu enim balnei calidi eo magis frigoris impatientes sunt) neq; in ipso itinere corpus nimis fatigetur. Domum reversi laudabilem per aliquod tempus conservent diætam æque ac antea in ipso thermarum usu; neque abs re erit tunc quavis septimana semel aut bis balneum ex aqua fontana saltem, vel etiam pro renata thermas artificiales parare, atque inire, ut forte reliquæ humorum excernendorum diaphoresi imprimis excernantur, ut pacatus œconomix animalis status firmitus certiusque conservetur.

XIX. Ad extremum nihil reliquum est, nisi ut quædam de abusu subjungam. Quod enim Pergameni est assertum; nullum esse tam optimum remedium, quod non alia ex parte noceat & nunquam sine incommodo magna sæpius commoda proferantur id quoq; de thermis valere non negandum est. Tantum quoque abest ab usu adeo multiplici, ut omnes in universum morbos sanent, corruptamque prorsus naturam inveteratumque malum redin-

tegrent atque corrigant vitia conformationis ut gibbositatem & similia auferant aut senibus atque vetulis juventutem reddant, vel a morte liberent. Est sane hodie thermarum usus confusus, ac vulgari corruptela erroneus. Plurimi vel proprio saltem instinctu, levitate, superstitione, libidineque vel ignaræ plebis, vel nasutulæ mulierculæ suasu sine ulla habita ratione, sine delectu, sineque Medici periti consilio ad thermas advolant, imo integra interdum Medicorum turba nequicquam potest efficere, ut tumultuariam ejusmodi frequentiam ad balnea cohibeant, avertant, ac abrogent. Quapropter mirum non est, quod magnum sæpe periculum incurrant ægri, operam & oleum, ut ajunt, perdant, & si non moriantur, tamen non solum incurati, sed & infirmiores sæpiissime redeant, vel paulo post intereant, quod mortis genus, aquis sc. perire, hodie hoc intuitu non adeo invisum, ac olim fuisse videtur sed multi quod mirum hoc moriendi genus haud detrectant: gentiles enim stoicæ philosophiæ addicti animam ignam esse putantes in aquam tanquam contrarium medium maxime reformidabant; Ægyptii vero e contrario homines ex lignis confectos esse credentes aquam potius exposcebant, & Immergi amabant. Qualia exempla multoties vidi, dum in ejusmodi locis commorari occasio tulerit. Ad minimum hæc tria ordinaria quasi incommoda ex thermarum nimio aut præpostero usu sitim nempe ventriculi debilitatem ac maciem reportant. Taceo de illis, qui ex longe alienis causis thermas frequentant, non ut sanitatem curent, sed ut genio suo indulgeant, comellentur, ludant, ferientur, omni intemperantia illecebris, voluptatibus libidinibusq; simul licent; quo certe in passu Nostrates Romanis luxu non inferiores censendi sunt. Quæ irritamenta malorum apud Romanos Seneca & Plutarchus arro carbone notarunt: Ille præsertim ejusmodi sequentibus „detestatur. Quid mihi (inquiens) cum istis calentibus stagnis? quid cum „sudatoriis, in quibus siccus vapor corpora exhauriens includitur? Omnis „sudor per laborem exeat. Postanus item apprime carmine taxavit, digno quod hic legeretur, nisi chartarum harum angustia obstaret. Sed non potest quoque non damnari multorum Medicorum circa hæc remedii genera negligentia, nec non imperitia qui parum solliciti de exacta illorum cognitione ægros suos ad thermas ablegant vel ut Plinii verbis utar, diverticulis aquarum fallunt ægrotos, illosque Tantali instar ad aquas condemnant ut tediosas forte morborum rebellium curationes effugiant, vel posteaquam longo remediorum usu fatigata eorum natura ita fuerit, ut omne etiam remedii genus eludat, vel quod non satis prospiciant, attendant, cum irreparabili eorum damno, neque minori medicæ artis dedecore, eoque magis, cum fatendum sit, quod perpaucae certe thermarum vires & indoles adhuc satis cognitæ sint, & pleraq; fida, & in Democriti puteo submersa, quæ de illarum adhuc contentis atque effectibus vulgo venditantur. Insuper &

dubium non est, nimium illis non raro tribuere Nymphas has suas supra modum amantes.

XX. Licet temperatæ satis sint thermæ nostræ ac mitiores ingredien-
tiaque quibus gaudent innocentia adeoque naturæ humanæ optime conve-
nientes neque adeo magna noxa statim exinde metuenda, utpote ejusmo-
di vulgo habentur, quod si non profuerint, saltem non obesse; tamen si impru-
dens, immoderatus & excessivus nimis sit illarum usus, & excessiva corporum
impuritas adsit &c. varia incommoda causari possunt, cum & omne nimium
vertatur in vitium; hinc Helmontius inter impedimenta vitæ longioris re-
fert frequentem thermarum usum. Plura enim & animi & corporis vitia
nimius illarum afferre potest usus atque cum thermis æque comparatum
est ac cum aliis, quæ a necessariis primum orta pervenerunt ad nimium.
Ad illud declarandum paucis huc illud Hippocr. Aph. 16. Sect. 5. mihi tra-
„here liceat. Calidum (inquit) ubi quis sæpius eo utatur hæc mala affert, car-
„nium effoeminationem, nervorum incontinentiam, - mentis corporem.
Namq; balneum calidum omne frequenter & ultra modum adhibitum præter
alia magnam crudorum humorum copiam in M. S. incipit. Conspicies id-
eo calidis balneis nimis deditos carne flaccida, colore invenusto, viribus lan-
guidis, hæmorrhagiis & deliquiis animi Obnoxiiis, ciborum dejecto appeti-
tu, ut plurimum memoria debili, nervis debilitatis, spiritibus torpidis vitia-
tos. Atque consultius abstineant infantes teneriores, pueri & adolescen-
tes succorum pleni, senio confecti constitutionis siccæ nimis homines cali-
dioris, cholericæ, quibus humores nimis fusi sunt, inque motu nimio con-
stituti, maxime salino-sulphurei, summe item infirmi & imbecilles & qui a-
nimi deliquiis facile corruunt, foemina præsertim (minerales enim omnes a-
quæ ex effato Galeni manifeste exsiccant, incrassant & resolvunt) siti diutur-
na vexati, exsangues, & qui immoderatos fluxus humorum sanguinis & seri
passi sunt, sudore nimio colliquativo, tabe hæctica, lue venerea, obstructio-
nibus contumacioribus (coagulatis nimirum nimis humoribus velut duris
nodis fortiores querendi sunt cunei) affecti, asthmate convulsivo & sicco
sic dicto, valde tussientes, phthisici veri consummati ob vapores & aërem
in balneo crassum, phrenitici, maniacy, pollutione nocturna, gonorrhoea vi-
rulenta laborantes, febribus acutis, contagiosis malignis correpti, quo lau-
dandus venit Cl. Wedel de M. c. ext. p. 98. sentiens balneationes & gras-
santibus morbis epidemiis, imprimis peste, cum poros magis aperiant, con-
tagioque faciliorem aditum concedant, minus locum habere. Ther-
mas quoque nostras non ferunt ob odorem gravem, quem spirant sulphu-
reum, Schafgotſchianas præsertim quibus caput & oculi infirmi sunt. In-
utiles & in genere deprehenduntur in omnibus fere morbis nimis invetera-
tis. Inter dicendæ etiam sunt impuris, non rite purgatis, corporibus quia

Impuritates copiosiores alicubi latitantes commoventur excitantur, funduntur, exaltantur aliaque prius secreta conjunguntur aut fusa in alias partes M. S. cerebrum & viscera principaliora deferuntur ac febres aliaque symptomata concitant, Minus quoque ere sunt quibus viscus aliquod nobile imbecillum est, periculum enim subest, ne humores attenuati eo detrusi inflammationes & obstructions & atonias pariant. Quibus vero balneum nocet, plus adhuc nocebit, si ex scaturigine evacuata prius scrobe evehuntur (aufquellen). Potæ thermæ magis obsunt iis, qui venas habent angustas & parvas, longo morbo debilitatis, quibus viscera non sana sunt aut inflammata & scirrhusa ubi tonus viscerum penitus labefactatus, destructus, & laxatus est. Aquæ enim tunc non legitime sed languidius circulantur, stagnant, remanent, hydropem multaque alia incommoda exinde parant. Nocent etiam in abundantia lymphæ, in stagnatione ejusdem extra vasa sua debita, imprimis si ab erosione lymphaticorum valorum fuerit, tunc enim facile illam colluviem adaugent. In specie contraindicantur potæ in affectibus capitis idiopathicis maxime quæ a spirituum animalium defectu, a mala conformatione, tono laxato, destructo vasorum & sinuum cerebri proveniunt; aquæ enim potæ vasa tenera cerebri & medullæ spinalis onere suo gravant, dilatant, premunt, laxant magis adhuc. Vixque potus est concedendus in fluxionibus alvi variis. De Stillicidio paucis adhuc nosse sufficiat, illud biliosis, calidis & siccis, & qui frequenter ex simili causa dolore capitis & oculorum laborant, fugiendum esse.

d .XXVIII. Nov. A. O. R. MDCCX.

E M E N D A N D A.

Pag. 3. lin. 27. lege manifestavit. p. 4. l. 3. l. pro nulla l. nullis. l. 4. pro oper l. opibus. p. 5. l. 8. pro officiana l. officina. p. 9. l. 12. pro suspinar. l. suspicar. §. 6. l. 6. p. allas l. alias. p. 10. l. 11. pro jaxandi l. laxandi p. 11. §. 3. l. 9. pro sunt l. sint. p. 15. §. 8. l. 12. pro prinpia l. principia. p. 23. l. 27. pro vegetabilibus l. vegetabilibus. §. 2. l. 4. pro instituta l. instituta. p. 29. §. 3. l. 18. pro viscidæ l. viscidæ. p. 30. l. 1. pro relicta l. relicto. &c.

